

DE
PONDE-
RIBVS, ET
PRETIIS VETE.

RVM NUMMORVM,
corumq; cum recentio-
ribus collatione,

LIBER VNVS.

Authore EDOVARDO

BREREWOOD: nuper in Col-
legio GRESSAMENSI Lon-
dini, *Astronomiae*
Professore.

LONDINI,
Apud Ioannem Billium.

1614.



H O N O R A-
T I S S I M O D O M I-
N O, D O M I N O T H O M Æ
E G E R T O N O Equitaurato,
Baroni de Ellesmere, Magno
A N G L I Æ Cancellario, & Cancellario
A c a d e m i æ O X O N I E N S I S
Dignissimo, &c.

Istiusmodi (Honora-
tissime Domine) est
huius Libelli argu-
mentum, quod me-
rito parvi pendas, quis enim
prudens & pius nummos ad-
A 2 mira-

miratur ? hæc ipsa tamen de Nummis commentatio est soboles olim fota, & enutrita in sinu benignæ illius Matris florentissimæ Academiæ Oxoniensis; cuius incolumitati tanta prudentia invigilas, cuius dignitati ex ardenti tuo affectu in literas, quibus à gravissimis occupationibus liber vnicè oblectaris, tam impense faues. Mater cum tuę dominationi sit adeo chara, confido sobolem, saltem Matris causa, haud fore penitus ingratam. Hac spe fretus, & pietate impulsus in charissimum meum Patrum, hunc eius posthumum tanti Patroni tutelæ ausus sum commendare; quam vt digneris præ-

DEDICATORIA.


præstare infantulo, orbato tam
pio & docto parente, humili-
mè peto, & vna Deum opti-
mum maximum vt domina-
tionem tuam publico bono
(quod adeo studiose promo-
vet) diu servet sospitem, &
incolumem.

Vestrae dominationi

omni obsequio

humilimè denotus,

ROBERTVS BREERWOOD.



INDEX.

CAP. I.

DE Nummis Argenteis proprijs Iudeorum. fol. 1.

CAP. II.

De Nummis arcis, quorum in Sacris Libris fit mentio. fol. 7.

CAP. III.

De Nummis Aureis qui in vſu Iudeorū. fol. 8.

CAP. IIII.

De Summis Nummorum Hebrais. fol. 11.

CAP. V.

De Præcipuis quibusdam Nummorum Summis quarum in Libris sacris Mentio. fol. 13.

CAP. VI.

Consideratio. De Auri & Argenti Numero à Dauid relicto Solomoni, pro Templi fabrica. f. 16.

CAP. VII.

De Veteribus Græcorum & Exterorum Nummis. Primo, de Argenteis & arcis. fol. 18.

CAP. VIII.

De Nummis Aureis Græcorum & Asiaticorum. fol. 22.

CAP. IX.

De Summis Nummorum Græcis. fol. 25.

CAP. X.

De præcipuis quibusdam Græcis Nummarum Numeris. fol. 28.

CAP. XI.

De Veteribus Romanorum Nummis. Primo,
De

INDEX.

De initijs Nummorum apud Romanos. fol. 31.

C A P. XII.

De Aereis Romanorum Nummis. fol. 32.

C A P. XIII.

De Argenteis Romanorum Nummis. fol. 34.

C A P. XIII.

De Aureis Romanorum Nummis. fol. 36.

C A P. XV.

De Aureis Nummis post Imperij sedem Byzantium translatum. fol. 38.

C A P. XVI.

De Argenteis & aereis Nummis Imperij Byzantium translati. fol. 40.

C A P. XVII.

De Summis Nummorum Romanis. fol. 41.

C A P. XVIII.

De Sestertio. Et arte Romana, Numerandi per sestertios. fol. 42.

C A P. XIX.

Summa quadam Romanorum Nummum, & earum in nostris Declaratio. fol. 44.

C A P. XX.

De Proportione Auri ad Argentum. fol. 48.

C A P. XXI.

De Auri & Argenti Pretijs. fol. 50.

C A P. XXII.

De Aurei & Argentei Nummi Temperaturis. fol. 51.

C A P. XXIII.

De Pretio & pondere aëris & aliorum Metallorum. fol. 55.

DE
PONDERIBVS
ET PRETIIS,
VETERVM NUM-
MORVM.

D quod Romani dixerunt 1°. Monetam, quod nota aliqua impressa certi moneret pretij, & 2°. Pecuniam, quod * Pecudis imagine olim signaretur : 3°. Nummus etiam appellatur, origine vt videtur * Græca, ὅτι ἐ φόνει ἀπὸ τοῦ πεντακτα, quod b ARISTOTELES de Græco vocabulo νόμισμα dixit, Nam & eo nomine Græcis, à lege qua instituitur, & χρῆμα ab usu, nuncupatur.

* Plin l. 33 c. 3
Plutarch. in
Publicola.

a Pollux. l. 9. c. 6.
de Talent.
b Arist. l. 1. Ethic.
5. cap. 8.

CAP. I.

De Nummis Argenteis proprijs Iudæorum.

DE veterum itaque Nummorum ponderibus & potestate dicturus, incipiam a nummis Hebræorum : Illi vero nullum habuerunt proprium ex argento, præter Siclum & eius partes.

B

Shekel,

שקל ישראל

id est

שקל ישראל

שקל ישראל

שקל ישראל

id est

שקל ישראל

* In Tract. San-

hedrin. cap. 2. A-

braham de Bal-

mis, in שקל

סכנה cap. 1. &c.

a Ioseph. l. 3. An-

tig. c. 9. Hieron.

in Comment. ad

c. 4. Ezechiel. &

ad 1. Matthei.

Hesych in vocab.

שקל.

b R. Ios. Ge-

rund. ad fin. ex-

pos. Pentateuchi.

Ar. Montan. l. de

Mens. sacris.

Tr. l. de Sielo.

Matius ad cap. 7

Iosue. Anton.

August. Dial. 2.

de Num. An. iq.

&c.

Varro. l. 4. de

Ling. Lat. na.

Shekel, altera facie vasculum ostendit quo Manna seruabatur in Sanctuario, cum hac perigraphie, *Shekel* ISRAELIS: altera, virgam AARONIS afflorescentem, cum inscriptione, Ierusalem Sancta: Quæ sane ante Captiuitatem Babylonicam, antiquis Hebræis literis quas Samaritanas nunc vocant, expressa fuit: Post eam vero, Hebræis nouis, id est, Assyrijs seu Chaldæis: Characteres enim qui nunc sunt in Hebræorum vsu, atq; jam diu fuerunt ab EZRÆ temporibus, Assyriorum fuisse, * Iudæi ipsi haud diffitentur. Porro, pondus Sicli exquisitè semuncia fuit; id est, drachmarum 4. vt ^a IOSEPHVS, HIERONIMVS, HESYCHIVS prodiderunt, & ^b alij viri docti experientia facta deprehenderunt. Licet autem Septuaginta Interpretes ^{שקל} sæpe reddant *διδραχμον*, vt *Genes. 23. 15. Exod. 21. 32. Leuit. 27. 3. 4. 5. 6. 7. &c. Ios. 7. 21. &c.* Non tamen cum respectu ad drachmam Atticam, sed Hebræam vel Alexandrinam, illi sunt intelligendi: Etenim cum Interpretes ipsi Hebræi essent, & libros sacros Alexandria Græcè conuerterent, omnino credibile est, aut ad regionis suæ, aut ad Alexandria pondera eos respexisse. Drachma autem Hebræa etiamq; Alexandrina Atticæ dupla fuit: Nam Talentum Alexandrinum 12000. drachmas Atticas continebat authore VARRONE, quantum etiam & Hebræum fuit: Omne autem Talentum continere 6000. drachmas eius loci proprias

שקל

Pollux. l. 9. Onomastic. c. de Talento.

Suid. in dictione τάλαντον.

prias cuius talentum esse dicitur, POLLUX & SVIDA prodiderunt: Proinde didrachmum pondere hebreo vel Alexandrino, tetradrachmum fuit Attico. Siclus itaq; Israelitarum, Atheniensium Stateri omnino par fuit, caq; causa interdum SYMMACHO, plerunq; Aquila, ^{sarip} Græcè redditur: valet proinde *Shekel* de nostro.

2 s 6.^d

חצי שקל
שקל

Ioseph. de Bell. Iudaic. l. 7. c. 26.

Dimidius Siclus, cuius mentio *Exod.* 30. 13. & 15. & *cap.* 38. 26. Tributum à viris lingulis Tabernaculo & Templo pensitatum, idq; annuatim, vt *1. Chro.* 24. v. 6. & 9. manifestum est, & post Templum dirutum, Capitolio Romano ex decreto VESPASIANI, vt IOSEPHVS meminit. Qui etiam Siclus Regius & Publicus dictus fuit, de quo *2. Sam.* 14. 26. Ibi enim pro ducentis siclis Regij ponderis, Septuaginta centum siclos reddiderunt, Intellige scilicet centum siclos Sanctuarij. De quo EPIPHANIVS est etiam capiendus, Siclus inquit est quarta pars vnciæ. Et vbi *1. lib. Macch.* 10. 42. DEMETRIVS remittit Iudæis 5000. siclos. IOSEPHVS pro ijs posuit 10000. drachmas. Ponderabat itaq; drachmas duas, Attico didrachmo par. Et valuit de nostro.

1 s 3.^d

שלושה חסין

10.^d

Triens Sicli, id est tertia eius pars, cuius mentio NEHEMIAE *IO* 32. Annuum tributum, Templo secundo ab Hebræis ciuili decreto exhibitum. Valuit de nostro.

Quadrans Sicli, etiam Hebræis in vsu fuit, vt manifestum est è *lib.* 1. *Sam.* 9. 8. Chaldæus

Epiphan. lib. de Ponderib.

Ioseph. l. 13. Antiquit. cap. 5.

R. Elias in Rad.
 111 דבר
 R. Dan. Kimkind
 Ezechiel 45. 12.
 & 1. Samuel. 9.

* L. de Misnaïoth
 Tract. de Angu-
 lo, cap. 8.

* R. Nathan, in
 Aruc.
 R. Elias in Tishbi
 R. Dan. de Pomis
 in Lexico.

κιν vertit, quod nomen SYRVS etiam LVCAE
 15. 8. reddit pro δραχμῶν. Et quidem tantum,
 scilicet drachmam R. ELIAS in Tishbi, &
 R. KIMHI zuzam esse definiunt. (Ducentis
 zuzim determinatur victus annuus honestus
 homini pauperi (è nostro, id est 6. li 5. s.) quan-
 tum qui habet, si mendicet, excommunica-
 tionem incurrit apud Iudæos vt est in * Tal-
 mud.) Quadrans ergo Sicli, drachmæ Atticæ,
 Denarioq, Romano par est. Valetq; nostri:
 Gherah, est vigesima Sicli pars, vt est in Exod.
 30. 13. Leuit. 27. 25. Ezech. 45. 12. & c. Id est,
 quinta pars drachmæ, vt non satis accurate
 interpretes pro Gherah obolum reddant, cum
 Obolus drachmæ pars sexta sit. Chaldaus
 semper κιν exponit. De nostro valet.

Agorah, 1. Sam. 2. 36. Idem quod Gherah.
 Nam & eisdem nominibus Chaldaus & Græcus
 vtranz; dictionem reddunt, Ille κιν, sic ὀβολον,
 & Hebræi omnes sic existimant.

Keseph, id est, argentum, cum Nummum
 designat, vt sæpe in sacris libris. Genes. 20. 16.
 & 23. 16. & 43. 21. & 2. Samuel 18. 11. &
 12. & c. Siclum denotat. Chaldaus enim
 סֶלֶם reddit, quo nomine & ἥρα reddere solet.
 (Et Septuaginta in loco allato SAMVELIS
 σικλὸς conuertunt.) Eiusdem præterea ponde-
 ris esse dictum Chaldaum Nummum Silgha,
 & Hebræum Shekel, * Hebræi ipsi auctores
 sunt. Valet proinde Keseph de nostro.

Keshitah, cuius ter in sacris mēdo. Gen. 33. 19
 10f.

הקטן

7. d ob.
 הקטן

1. d ob.
 הקטן

1. d ob.
 הקטן

2. s 6. d
 הקטן

* Apud R. Dau.
Kimbi in Radi-
cib. & R. Solum.
in Com. ad 33.
Genes.

De Nummis
Noni Testa-
menti.

Euseb. l. 4. Dem.
Euangelic.

Strabon. l. 14.
Pausan. in A-
chaicis.

Is. 24. 32. Job 42. 11. Nummus fuit Agni ima-
gine signatus, indeq; *Kesbitah*, id est, agnus, ap-
pellatus, vt à pecude pecunia. Vetus sic Num-
mus Chaldæorum aut Arabum proprius vi-
detur fuisse, è circumstantijs locorum in qui-
bus sit eius mentio. Idem autem erat Arabi-
bus quod Iudæis *Megha*, id est, *Gherab*, vt
* Rab. *Hakina* ex itinere suo Arabico retulit:
Idemq; R. *Leui Ben Gerson* in *Pentateuchum* ex
Rabbinis statuit. Valuit proinde de nostro.

1. d. ob.

Argenteus, cum Nūmum significet Iudai-
cum, vt *Matt. 26. 15.* idemq; sonet quod
Keseph, ex Iudæorum vsu. Siclum denotat: vt
recte EUSEBIUS transcripserit, *Σικλον* κατὰ τὴν
quod MATTHÆVS *σικλον* ἀπὸ ἀπύρια dixerat:
Proinde valet nostri.

* Ἀργύριον.
Hebraicum.

2. s. 6. d.

At Argenteus, *Act. 19. 19.* vbi de Num-
mis Græcis sermo est, drachmam Atticam
valet: Græci enim pecuniarum summas nu-
merabant drachmis, vt Iudæi siclis, & Roma-
ni sestertijs: *Ephesus* autem (cuius argentei
illi erant) Græca ciuitas fuit, Atheniensium
Colonia, vt STRABO & PAUSANIAS au-
thores. Valuit proinde ille argenteus, nostri.

* Ἀργύριον.
Græcum.

Drachma, *Luc. 15. 8. & 9.* Quadrantem sicli,
aut denarium Romanum designat, vterq; e-
nim drachmam ponderabat: valet ergo nostri.

* 7. d. ob.
Δραχμή.

Didrachmum, *Matth. 17. 24.* significat semisi-
clum, quem ex diuino præcepto *Exod. 30. 13.*
Viri singuli inter Iudæos plusquam annos 20.

7. d. ob.
Διδράχμη.

B 3 nati,

nati, templo, pendebant. Non autem designare illic tributum Romanum, manifestum est; Quia id Romanis nummis pensitatum fuit, vt ex *Matth. 22. 17. & 19. & 21.* Illi autem Nummos denarijs maiores (qui scilicet essent in vulgari vsu) non percusserunt. Quod autem Christus de Regibus terræ loquitur, id exempli causa inducit, quòd ipse Dei filius non magis Templo Dei tributum deberet, quam Regibus eorum filij. Voluit autem didrachmum.

Stater, *Matt. 17. 27.* Denotat Græco nomine siclum Hebræorum, stateri Attico pondere omnino æqualem. Nam duo didrachma continebat, cum pro tributa CHRISTI & PETRI solueretur: Proinde valuit.

1.^s 3.^d
Στατήρ.

2.^s 6.^d

De Nummis
externis qui
in Iudeorum
vsu.

Lib. Misnaïoth.
Tract. de decima
secunda. cap. 2.
Et Tract. de
Chetuboth. cap. 5.

DENARIUS, vt in *Matt. 18. 22. & 22. 19. &c.* Isq; planè Romanus, vt manifestum est, è posteriori loco MATTHÆI citato v. 21. quoniam Cæsaris imaginem ostendebat. Quartam partem *Silgæ*, id est, Sicli valuit, vt * Hebræi etiam docent, & proinde drachmam ponderabat. Valebatq; nostri.

Διούτριον.

7.^d 9b.

CAP.

CAP. II.

*De Nummis æreis, quorum in Sacris Libris
fit mentio.*



Orum tantum Nummorum ex argento sacri libri meminerunt. Licet autem certum sit, Iudæos etiam ex ære percussos proprios nummos habuisse, ijdem plane figuris & characteribus signatos quibus argentei, vt ANTONIVS AVGVSTINVS prodidit. Nulla tamen eorum in historijs superest memoria, verum omnes quorum in sacris fit mentio (vt videtur) sunt externi. Illi vero sunt.

ASSARIVS, *Matt. 10. 29.* ⁷⁰⁸ Hebræis recentioribus. Qui, si pars esset Nonagesima sexta *Silgha*, id est, Sicli, vt Hebræi definiunt in * *Mu/naioth*, valeret *q^a. c.* Sin vero Assis semisse sit, vt cum * AGRICOLA EX VARRONE, mihi etiam videtur ex ^d CLEOPATRA, cui Assarius drachmas duas pendet, cum eo tempore, longeq; ante, Asses essent semunciales ex lege PAPYRIA, valebat de nostro.

Quadrans, *Matt. 5 26. Marc. 12. 42.* Si quarta pars oboli sit, valet *q^a. c.* (HESYCHIVS quadrantem interpretatur quartam partem *Follis*.) Quod si quartam Assis partem denotat, vt magis videtur, (Nam alios quadrantes nemo rei nummarie peritus observavit apud

Ro-

Assarion.

q^a. q.

Kodpátrns.

Ant. Augustin.
Dialog. 2. de
Num Antiquis.

* *Tract. de Gistim. c. 1. par. 9.*
Et tract. de Neqikim. c. 8. par. 7.
a Agricol lib. 2 de Ponderib. externis.
d Cleopat. in Cæmet.
Hesych. in vocab.
Kodpátrns:
Id quantum sit collige ex recentioribus Nummis Græcorum.

Romanos,) Dimidium erit Assarij, drachmamq; ponderabit, valuitq; proinde nostri.

Minutum, Luc. 21. 2. Marc. 12. 42. Dimidium est quadrantis, ^e duo enim *Lepta* seu *Minuta* quadrantem efficiunt, ut ille *MARCI* locus declarat, idemq; ^f *SVIDA* & *HESYCHIVS*. *Minutum* proinde semidrachmam ponderabat, valebatq; Denarij Romani partem octuagesimam, ut *Quadrans* quadragesimam, *Assarius* vigesimam. Valuitq; de nostro.


q. c.

Assarij.

c. $\frac{1}{2}$.

CAP III.

De Nummis Aureis qui in usu Iudaorum.

Vreorum autem Nummorum in libris Sacris quatuor opinor tantum nomina. *Zahab*, *Siclus* *Auri*, *Adarcon*, & *Drakmon*. Quorum duo priores tantum ad

nummos Hebræorum proprios videntur pertinuisse. *Zahab* enim 2. Reg. 5. 5. & 2. Chron. 9. 16. &c. pro Nummo meminit. *Sicli* aurei autem 1. Chro. 21. 25. utrumq; autem nomen ubi Nummum designat, Aureum didrachmum ut videtur significat. Namq; & *Statere* aureos Persarum, Græcorum, Romanorum aliarumq; celebrium gentium observo ex antiquitate, tantum fere ponderasse. Et præterea ea aureorum summa, quæ 1. Reg. 10. 17. tres auri *Minæ* esse dicitur, refertur 2. Chr. 9. 16.

זכב
סל
שקל חזק

9. 16.

e Unde מנין
id est, Octava,
redditur à Syro
utroq; in loco.
f Uterq; in Voc.
Κοδράντης.

* Vide Num.
mos Græcorum
Iudæ.

* Plin. l. 33. c. 3.
Didymus apud
Prijcian. lib. de
Ponderib.
Comment. ad 8.
Iudic. cap. 26.

9.16. esse trecenti Aurci. * Minas enim omnium gentium singulos 100. earum drachmas continere notum est, quod autem drachmale est pondere Hebræo, didrachmum esse pondere Attico, supra comprobavi. Licet autem Chaldæus, 2. Reg. 5. 5. Zahab 6000. tot milia זכבין id est, denarios reddit, quod scilicet essent denariorum pondere, non tamen de argenteorum denariorum pondere, sed aureorum, Paraphrastem intelligo: Aureos enim Romanorum, etiam Denarios fuisse ab ijs appellatos, (quod scilicet easdem plane imagines ostenderent, & magnitudine non multum diffiderent) è * PLINIO & alijs clare elicimus. R. Levi Ben Gerson autem, nomina זכב & זכב, cum ad Nummorum rationem iudicandam adhibentur, siclorum pondus significare statuit. Id quod de siclis vulgaribus, non siclis Sanctuarij intelligendum est. Licet enim vbi numerus ponderis innuitur, videtur siclos denotare integros, vt Iudic. 8. 26. vbi Septuaginta 1700. Zahab, tot siclos reddunt. Vbi tamen numerus Nummorum designatur, exhibet semper didrachmas aureas. Aureus ergo Hebræorum, vulgari eorum siclo argenteo pondere æqualis, drachmas duas Atticas pendebat. Et proinde pro ea proportionē auri ad argentum quæ apud nos viget, scilicet duodecupla, valuit de nostro.

Duo autem alia aurearum Monetarum nomina in veteri Testamento sunt, Adarcon & C Drakmon.

15.8

אדרכון
&
דרקמן

Drakmon. Illud *Ezra* 8. 27. & *1. Chron.* 29. 7. Hoc *Ezra* 2. 69. & *Nehem.* 7. 70. & 71. & 72. Vterq; Nummus Hebræis externus fuit (vt nomina ipsa satis indicant, quorum neutrum est Hebrææ originis) & Perlicus, vt videtur, vterq; etiam eiusdem ponderis, cum vtrunq; Græci Interpretes *σπαρχμὸν* conuertant, quod tamen vt dixi cum respectu ad pondera Alexandrina, aut Hebræa; intelligendum est, quæ Atticorum ponderum eiusdem appellationis dupla sunt. Drakmon autem nomen ponderis videtur esse: Adarcon autem, (si coniectura mea non fallit) nomen Principis innuit, & Daricum Persarum Aureum notat: Nam & DARIUS HISTASPIS filius tunc regnavit, cum hij nummi aurei EZRAE tempore oblati dicuntur in Templi structuram, & ab illo DARIO procusos fuisse aureos optimos, HERODOTVS memoriæ prodidit. Qui vel eam ob causam DARICI dicebantur, vel, testante PLUTARCHO, quod in altera parte DARIJ imagine signarentur. Licet autem nomen Adarcon semel ante legatur in rerum vetustiorum historia, scilicet. *1. Chron.* 29. 7. Tamen, * cum EZRA eius etiam libri author extiterit, potuit quidem ille rei veteri recentius nomen externum imponere, quod scilicet nummum eiusdem plane ponderis designaret. Eo autem magis mihi videtur nomen *Adarcon Daricum* notare, quod prima litera * ablata DARIUM fere sonat. * autem in dictionis

Herodot. in
Melpomene.
Plutarch. in
Artaxerxe.

* Vide Abulenf.
in Prasat. lib.
Chron. Quæst. 5.

a Vide Guidon
Fabric. in Gram.
Chaldaes. & An-
gel. Canis. in In-
stitut. ling.
Syriac.

ditionis initio, sæpe præter radicem est Chal-
dæis, & vel seruit loco ⁿ apud Hebræos, vel e-
tiam præpositionis vicem obtinet, iuxta, se-
cundum, vel tale quid denotantis. Vnde in
loco *Chronicorum*, principes tot *Adarconim*
obtulisse, innuere videtur, tot dedisse aureos,
qui essent pondere *Daricorum*, *Adarcon*, ergo
& *Drakmon*, vt vernaculus Hebræorum au-
reus, valet de nummis nostris.

15.

CAP. IIII.

De Summis Nummorum Hebræis.

DIxi de nummorum generibus
quorum in sacris Libris vlla
mentio. De eorum summis di-
cam proximè, quarum duæ
apud Hebræos celebrantur.

Illæ sunt.

Maneh, ^{מנח} Græci dicunt, Latini Minam.
Mina vero Hebræa, Auri quidem, continet
100. drachmas pro pondere Hebræo (id est
200. Atticas) pro communi gentium ritu: va-
letq; nostri.

מנח seu מנח
Auri.

75 li.

Argenti, vetus.

At Argenti, Mina; apud Hebræos 60. si-
clos complectitur, vt *Ezechiel* 45. 12. id est 240
drachmas Atticas, siue vt *Iosephus* ait co-
dem sensu, libras Argenti duas cum dimidia:
Et proinde valet de nostro.

7. li. 10. s

*Ioseph. lib. 14.
Antiquit. c. 12.*

C 2

Quod

* *Tract. de An-
gulo. c. 8. parag.
n. 1*

Quod vero ab Hebræis. *Lib. * Misnaïoth.*
Mina Denarios seu drachmas 100. (intellige
Atticas) continere dicitur, Accipiendum est
de recentiori eius nominis instituto, & ex
Græcorum aliarumq; gentium commercijs
inter Hebræos valuisse. Eaque Mina valuit
nostri.

Argenti, Nona.

3.li 2.s 6.d

Talentum Hebræorum cōtinet pondere 3000
siclos, vt observanti evidens est è 38. *Exod. 25*
& 26. Nam pro sexcentis millibus virorum,
tot semisicli oblato, faciunt trecenta millia si-
clorum, qui eo loco talenta centum conficere
dicuntur. Ergo 3000. sicli ad Talentum per-
tinnerunt: Continet proinde 12000. drach-
mas Atticas, Atticiq; Talenti duplum existit.
Ponderatq; vt etiam EPIPHANIVS obser-
uat, Libras 125. Valet proinde talentum He-
bræum in Argento, de nummis nostris.

702

Argenti.

375.li

Auri.

Auri vero Talentum Hebraicum, servata
in prætio auri ad argentum proportionem duo-
decupla, quæ nunc ubiq; fere viget, Valet de
nostro.

4500.li

CAP.

*Epiphanius, lib. de
Ponderib.*

CAP. V.

De Præcipuis quibusdam Nummorum sum-
mis quarum in Libris sacris
Mentio.



Ixi de nummis qui apud He-
bræos fuerint in usu. Quorum
præcipuas quasdam collectio-
nes, in historijs sacris celebra-
tas, proximè, per nummos

ponderaq; nostra, exercitij causa, declarabo.

Mulcta Domino præscripta fuit apud Iu-
dæos 30. siclorum, cuius bos alterius seruum
occiderat. De nostro id valuit.

Ghakan 200. Argenti siclos fatetur sacrile-
gio à se surreptos; Id facit de nostro.

ABRAHAM emit agrum ab *Ephron* in sepul-
turam pro 400. siclis argenti Id fuit de nostro.

Ghakan præter argentum prædictum, suffu-
ratus est laminam auream 50. siclorum, id est
pondere 50. siclorum. Id valuit de nostro.

DAVID ab *Ornan Iebusæo* arcem, altari ex-
struendo, emit 50. siclis. Id fuit nostri.

At libro *Chronicorum* id dicitur fecisse 600.
auri siclis, qui seruata proportionem auri ad ar-
gentum duodecupla, cum didrachmi fuerint,
efficiunt.

Cōtradictionem obiter tollo. Nam in *Samue-
le* mentio fit tantum areæ Altari exstruendo;
cuius pretium 50. siclorū. In *Chronicis* autem
locus etiam areæ memoratur, id est, locus arcæ

3.li 15.s

25.li

50.li

75.li

6.li 5.s

450.li

Exod. 21. 32.

Ios. 7. 21.

Genes. 23. 15.

Ios. 7. 21.

2. Sam. 24. 14.

1. Chron. 21. 25.

adjacens, templo exigendo à DAVIDE comparatus, id est, totus Mons *Moriah*: vt manifestum est ex collatione 2. *Chron. cap. 3. vers. 1.* Euentu enim edoctus inter sacrificia DAVID locum esse acceptum Deo, postquam emisset aream, emit etiam 600. auri siclis, totum locum adjacentem qui ad Ornan pertinuit.

1. *Sam. 17. 7.*

Ferrum hastæ *Goliathi* ponderabat 600. siclos. Obserua autem siclum in sacris si absolute ponatur vbicunq; nomen ponderis est, semper denotare vnciam dimidiam. Ponderabat ergo id ferrum.

Libras. 25.

Ibidem.

Eius lorice pondus fuit 5000. siclorum. Ponderabat itaq;

Libras. 208. & 4. Vncias.

2. *Sam. 14. 26.*

Tonsura annua capillitij ABSALONIS, ducentos siclos Regij ponderis pendebat: Is autem Sicli Sanctuarij dimidium fuit: ponderabat ergo.

Libras. 4. & 2. Vncias.

Matth. 26. 15.

Argentei 30. proditoris Iudæ stipendium, sicli vt dixerant, valuerunt de nostro.

3. li 15. s

Ioan. 12. 5.

Denarij 300. vnguenti æstimatio a MAGDALENA in CHRITI caput effusi, IVDÆ scandalum, Valuerunt de nostro.

9. li 7. s 6. d

Exod. 37. 24.

Sumptus Auri in Tabernaculi structuram oblatus, fuit 29. Talentorum, & 730. siclorum Id de nostro erat.

131595. li

Ibid. v. 25.

Sumptus Argenti pro eodem opere, 100. talentorum & 1775. siclorum. Id facit de nostro.

37711. l. 17. s. 6. d

1. *Reg. 9. 14.*

HIRAM SALOMONI in Templi opera misit 120. Auritalenta. Id de nostro nummo valuit.

540000. li

Quan-

1. Reg. 10. 19.	Quantum etiam Auri Regina <i>Sheba</i> , SALOMONI loco honorarij attulisse dicitur.	
1. Reg. 9. 28.	EX OPHIR allata SALOMONI, Auri talenta 420. Id fuit.	1890000.li.
1. Chron. 22. 14.	DAVID reliquisse dicitur SALOMONI pro Templi fabrica Auri talenta 100000. Immen- sa summa. De nostro.	450000000.li.
Ibidem.	Præterea, argenti pro eodem opere 1000000 talenta. Id facit de nostro.	375000000.li.
1. Chron. 29. 4.	Porro, de suo Peculio eum in vsum conse- crauit 3000. Auri talenta. Id de nostro.	13500000.li.
Ibid.	Et Argenti 7000. talenta. Id reddit de nostro.	1625000.li.
1. Chron. 29. 7.	Oblatio Principum DAVIDIS in eiusdem Templi structuram, fuit Auri talenta 5000. & 10000. <i>Adarconim</i> . Id de nostro.	22507500.li.
Ibid.	Et Argenti 10000. Talenta, quod de no- stro valuit.	3750000.li.
2. Chron. 9. 13.	Reditus annuus SALOMONIS, præter ne- gotiationis & aromatum prouentus & prin- cipum honoraria fuit 666. Auri Talenta. Id de nostro facit.	2997000.li.
2. Reg. 18. 14.	Tributum HEZEKIAE impositum à Rege Assyræ 300. talenta argenti & 30. auri. De nostro fuit.	247500.li.
Esræ 2. 69.	A Principibus. familiarum quibusdam in secundi Templi ædificationem auri <i>Drakmo- nim</i> 61000. collati sunt. Id fuit.	45750.li.
Ibidem.	Argenti autem Minæ 5000. Id conficie- bat nostri.	21250.li.

CAP. VI.

*Consideratio. De Auri & Argenti Numero
à DAVIDE relicto SALOMONI,
pro Templi fabrica.*

DIxi diligenter de antiquis Hebræorum nummis quorum in sacris scriptis superest memoria, eorumq; ponderibus & potestate. Cruciat me tamen nonnihil ille vnus sacræ historiæ locus. I. *Chron.* 22. 14. de ingenti numero talentorum auri & argenti, relicto à DAVIDE SALOMONI pro Templi structura: Nam omnes omnium Monarcharum thesauros & opulentiam longe superat, quorum vlla in historijs mentio, si accruos Sardanapali, secum vno flammis traditos solum excipiamus. Porro, neq; modus vllus DAVIDI, qui à prædecessoribus suis thesauros nullos acceperat, accruandi tam immensos cumulos, quantos ex vastissimis imperijs, nullus vnquam vel rapacissimis principum Romanorum, Græcorum, Persarum corraferat. Neq; profecto tantam auri argentiq; immensitatem, illud opus postulabat. Quin potius, si ex solido argento fuissent integri templi parietes & pavimenta: Si ex auro solido lectum integrum, & præter interiorem parietum cælaturam; Omne quodcunq; interius supellectile eius fuisset constatum: Illi tamen

tamen acerui pro opere & operarijs, non sufficissent abunde tantum, verum longe superassent. Consideravi enim quam potui diligentissime Templi dimensiones, & cum ea auri & argenti mole in solidam Massam conflata, comparavi, & calculis subductis, hanc supra illam multum excreuisse reperij. Verum, & ex paupertate sua, DAVID ipse dicit, hæc se consecrassse Deo, quasi afflictionum suarum & bellorum reliquias, quibus graviter vexatus & haustus fuerat, At hæc paupertas omnem opulentissimorum regum affluentiam quantum superat? Proinde necessario dicendum videtur, aut aliud eo loci denotare Hebræam vocem ^{תל} quam talentum, vel aliam esse posse Talenti notationem, præter eam quam ex MOSIS historia supra elicui. Et quidem ^{תל} significare massam aliquam planam & pressam, tortæ instar aut placentæ (qua forma aurum & argentum servari in Principum thesauris consuevit) certum est, cum nomen ipsum planitiem significet ex origine, qua vocis eius acceptione, de illa DAVIDIS summa nihil certi constabit. Præterea, & nominis Talenti variam fuisse apud Antiquos notionem, & interdum exiguam aliquam summam designasse, ex veterum scriptis facile elicio. EUPOLEMVS apud EVSEBIUM, in sumptu Templi numerando, talentum siclum denotari prodidit, id est, drachmas 4. POLLUX in libro de rerum vocabu-

*Ar. Montan. lib.
de Mens. sacr.
c. de Chicar.
Et Lexicographi
Hebræi.*

Ensch. de prepar.
Evangel. l. 9. c. 4.
Psalm l. 9. Onoma-
stic. c. de Talent.

Dis

Et lib. 4. cap. 24.
Homer. Iliad.
lib. 23.

* Pollux, lib. 9.
Onomastic. &
Varro, lib. 4. de
Ling. Latina.

lis ad commodum scripto, Talentum argenti quidem, 60. Minas, at Talentum Auri, 3. Aureos Atticos, id est, 6. drachmas constituit. Quin paruum aliquid fuisse antiquitus auri talentum, HOMERVS etiam non obscure indicat; In quo certantibus ad tumulum PATROCLI, inter res non magni prærij, scilicet, captiuam foeminam, equam pregnantem, lebetem, & phialam æream, duo auri talenta, & quidem quarto loco, scilicet post lebetem, exhibentur in præmium. Deniq; cum Talentum * Siculum, Neapolitanum, Rheginum, tam exiguum pondus notarit, Illud drachmas 6. Istud 3. hoc $\frac{1}{2}$ drachmæ. Potuit fortasse idem nomen, & Hebræis interdum, exiguum summam aliquam designare.

CAP. VII.

De Veteribus Græcorum & Exterorum Nummis. Primo, de Argenteis & æreis.



Drachma Attica (quo fere pondere Pharmacopolæ hodie vtuntur) pro omnium Nummum Græcorum mensura nobis erit. Nummus Atheniensis fuit, signatus * imagine lucernæ inextinctæ, MINERVÆ apud Athenienses sacræ, cuius in STRA-

Δραχμή, &
Ἀργυρία A-
lexarcho apud
Athenæum l. 3.

BONE

* Imaginem
vide in Anton.
Augustus. Dial.
1. de Antiquis
Num.

Strab. lib. 9.
Pausan. in Attic.
Plin. l. 21. c. ult.

BONÆ & PAUSANIA mentio, cum inscriptione, δραχμή. Octava vnciæ pars est, eiusdem ponderis ut PLINIVS author est cum Denario Romano. Valuit de nostro.

Stater, quod & Tetradrachmum, in altera facie Mineruæ caput, (qua causa παραβληθῆ & κορη sæpe appellatus est) in altera Noctuam ostendebat: erat 4 drachmarum nummis, ut *CLEOPATRAS, EPIPHANIVS, HIERONYMVS, HESYCHIVS, & alij authores sunt. Quin & duobus didrachmis censerit Staterem. Manifestum est ex 17. Matthæi, si quis versum 24. cum 27. conferat. Valuit nostri.

Didrachmum, quod & Bos Atheniensibus nuncupatus, quod *bovis imaginem habuit impressum. Nummus ille primo cusus à THESEO fuit, ut PLUTARCHVS meminit, siue in memoriam Tauri Marathonij quem occiderat, siue in laboris exemplum. Stateris dimidium fuit, duas continens drachmas; valuit nostri.

Tridrachmum, 3. drachmas complexum, de nostro valuit.

Obolus ANTICVS, quasi ὀβολός, id est, veru,^b quod oblongus in mucronem desinebat, vel quod obelisci imaginem præ se ferebat, PHOTIO Patriarcha authore. Pars sexta fuit drachmæ Atticæ, ut præter d SVIDAM, XENOPHON, CLEOPATRA, PLINIVS prodiderunt: Valuit de nostro.

^c Semiobolus, minimus è nummis Argenteis Græcorum, Valuit nostri.

7. d ob.

στατήρ seu τε-
τραδράχμος.

2. s 6 d

Βούς seu δι-
δράχμος.

1. s 3 d

τριδράχμος.
1. s 10. d ob.

*ὀβολός.

1. d q^a.

ἡμισέβλιόν.
ob. q.

D 2

Diobolus,

* Cleop. in Cosm.
Epiphan. lib. de
Ponderib.
Hieron. ad cap. 4.
Ezechiel.
Hesych in Voc.
στατήρ.

a Pollux. l. 9.
Plutarchum
Theco.

b Agricola. l. 1.
de præf. Metal.
& Monet.
d Suid. in
δραχμή.
Xenoph. in Ve-
lital.
Cleopatra in Cos-
metic.
Plin l. 21. c. ult.
& Galen. de
Compos.
Pharm. sec. Locos
lib. 6. cap 1.
c Pollux. l. 9.

* Pollux, loc. allegat.
Suid. in Διόβολ.
 d. Vt Pollux. l. 9
 c. de Talent.
 c. Pollux, loc. allegat.
Suid. loc. alleg.
 f. Pollux, ibid.

* *Diobolus*, Altera parte Iovis faciem ostendebat, altera Noctuam, Tertia pars drachmæ, Valuit è nostro.

* *Triobolus*, dimidium drachmæ fuit. Proinde valuit de nostro.

* *Tetrobolus*, altera parte Iovis faciem ostendit, altera duas Noctuas, $\frac{1}{2}$ drachmæ continebat valebatq; nostri.

Dixi de argenteis Atticis, verum & nummorum aliarum partium Græciæ exigua aliqua memoria superest. Illi autem sunt.

Drachma Aeginæa, quæ continet 10. Obolos Atticos Authore POLLUCE, vnde & crassa ab Atheniensibus appellata est. Valebat nostri.

Obolus Aeginæus, pars sexta *Aeginææ* drachmæ, Valebat nostri.

Triobolus Aeginæus, drachmæ *Aeginææ* dimidium. Nostri valuit.

Stater Corinthius 10. obolos *Aeginæos* continet, & proxime valuit.

Stater Macedonius, vt quos Reges Macedonia, & successores ALEXANDRI etiam in Asia percusserunt, drachmas quatuor ponderat, cum 2. obolis, & 2. siliquis. Proinde valet proxime nostri.

Siglus, Nummus argenteus SARDIANVS & PERSICVS, valet obolos Atticos 7. & $\frac{1}{2}$. vt XENOPHON auctor est, id est, nostri 9. d. q^a.

Διόβολος.

2. d. ob.

τριόβολος seu

ἡμισδραχμισος.

3. d. ob. q^a.

τετράβολος.

5. d.

Drachma Aeginæa.

10. ob.

Obolus Aeginæus

2. d. c. & $\frac{1}{2}$.

Triobolus Aeginæus

6. d. q^a.

Stater Corinthius.

10. 8. d. ob. q^a.

Stater Macedonius.

2. 5. 9. d. q^a.

& $\frac{1}{2}$. q.

σίγλος, &
 σίγλον.

De Argenteis Nummis
 Asiaticis.
Xenoph. lib. 1.
 Exped. Cyri.

Hesich. in
στυλον.

q^a. q. at HESYCHIO obolos Atticos 8. vt 4. scrupula ponderet, & proinde valeat nostri.

10.d

Κισσοφρος.

Fest. in voce,
Eubœicum To-
lentum.

CISTOPHORVS, Nummus etiam Asia-
ticus, ob imaginem gerentis cistam quam o-
stendebat, sic appellatus, *Victoriato Romano*
maior parte $\frac{1}{4}$, cum quatuor mille Denarij
efficiant 7500. CISTOPHOROS, vt POM-
PEIUS FESTVS prodidit: quod si cum re-
spectu ad denarium recentiore qui drach-
mam ponderabat intelligendum sit, valuit
nostri 4.^d. At si pro Denario veteri & legiti-
mo qui Consulum tempore cudebatur (vt
magis videtur,) valuit proxime, sed exiguum
plus,

4.d ob. c.

Suid. in
Δανάη.
Pollux. l. 9. cui
nummus Persi-
cus exissimatur
esse.

DANACES, *Charontis* portorium, scilicet
pro traiectu ad inferos, quæ nummum ea
causa Barbari in ora mortuorum imponebāt.

Δανάη.

Δανική.

Δανάη.

* Lucian. in
Charonte.
Suid loc. allegat.
Hesich. in
Δανάη.

* Dato enim fuisse mortuis obolos, LVCIA-
NVS ARISTOPHANES, SVIDA, & alij au-
thores sunt. Vnde & nummus funebris dictus
est CALLIMACHO, & PLVTARCHO. Itaq;
si obolus fuit, vt à LVCIANO dicitur, (cui
tamen æneus est) valuit nostri 1.^d q^a. quod si
eiusdem ponderis fuit cum eo quod *Danich*
f Græcis, & 8 Arabicis scriptoribus appella-
tur, 8. tantum genua, id est, $\frac{1}{4}$. oboli pendebat,
& proinde valuit nostri.

ob. q^a. & $\frac{1}{4}$. q

f Cleopa. in
Cosmeticiis.
g Auicen lib. 5.
sum. 2. t. 1. c. 1. b.

Æreolum

De Nummis
aureis Gra-
corum.

Suid. in Vocib.
ὀβολος καλ-
κοῦς τέτρατον.
* Dioscorid. lib.
de Pond & Mēf.
cap. 1.
Serv. ad 5. Ae-
neid
Plutarch. in Ly-
fandro. lib. de
Pond. & Mēf.
Galeno a scriptis
a Pollux. loc.
allegato.
d Suid. loc. alleg.

Æ Reolum, sexta pars oboli Attici fuit, vt
SVIDA cum * alijs Author est, (licet.
CLEOPATRAE & POLLUCI pars sit octa-
ua) vnciæ æris pondus habuit, vt ex * POL-
LVCE elicitur: duoq; argenti grana valuit.
Vnde duorum granorum pondus medicis
Chalcus nominatur. Cum itaq; sextam par-
tem oboli Attici valuit: Valuit nostri.

Minutum, septima pars *Æreoli* vt d SVI-
DAS & alij, proinde valuit proximè, sed per
exiguum plus.

q. c. & $\frac{1}{4}$.

Λεπτόν.

$\frac{1}{2}$. c.

C A P. VIII.

De Nummis Aureis Græcorum &
Asiaticorum.



Roxime denummis aureis, quo-
rum in scriptoribus antiquis
memoria superest, dicendum
est. Illi autem Atheniensibus
crant,

Stater Atticus, qui duas drachmas ponde-
rabat, vt POLLUX author est, quod licet pro
proportionem auri ad argentum quæ apud
Græcos legitima fuit, scilicet decupla, valeret
tantum 12. s. 6. d, tamen pro nostra, quæ duo-
decupla est. Valuit nostri.

Semistater, drachmam vnam pendebat, vni-
de & HESYCHIO dicitur δραχμή χρυσία. No-
stri valebat.

Χρυσόυς,

&

Στατήρ.

15. s

ἡμιστάτηρ.

7. s 6 d

Te-

Pollux. l. 4. Ono-
mast. cap. 24.
& Hesych. in
Vocab.
Χρυσός.

Pollux. l. 6. 9.

Idem. Ibid.

Tetraslaterium. Cuius *Arist.* meminit in Republica Cyrenensium, ut *POLLUX* cum allegat libro 9. Cui & *Stater* dicitur (sed ponderalis opinor, non monetalis ille fuit) & minam argenti valere. Vnciam auri habet, Valletq; nostri.

Statera aureus Macedonicus, ut quos *PHILIPVS*, *ALEXANDER*, *LYSIMACHVS*, *DEMETRIVS*, & cæteri qui *ALEXANDRO*, in Macedonia, Syria, Asia, successerunt, signabant. Pendet drachmas Atticas 2. Obolos 2. Siliquas 2. Valuitq; pro illorum proportionem quæ fuit decupla 15.^s 5.^d monetæ nostræ. At pro duodecupla proportionem quæ nostra est.

τραπεζή

3.li

Stater Macedonius.

18.s 4.d

De Nummis
Aureis Asia-
ticis.

Suid. in Vocab.

Δαρικίου.

* In Concionant.

Xenoph. l. 1. Ex-
pedition. Cyri.

DARICYS, Nummus aureus Persicus (ut & *CRÆSIJ* aurei) didrachmus fuit, ut & *SVIDA* author est, qui eum stateri Attico æqualem facit, & elicitur ex * *ARISTOPHANIS* Interprete, atq; *XENOPHONTE*, apud quem soluitur 3000. *DARICIS*, quod decem argenti talentis promittebatur, seruata proportionem auri ad argentum decupla, quæ sane analogia apud Asiaticos, fere etiam apud Græcos, solennis fuit. Imaginem *SAGITTARIJ* impressum habuit, unde ^a *AGESILAVS* facete dicebat, 10000. Sagittarijs se pulsum Asia, ob corruptos Persicis nummis Oratores Græcos, qui persuaserant ut renocaretur. Drachmas itaq; duas cum habuit, valeret nostro auri prætio.

Stater Daricus.

15.s

Errat

a Apud Plu-
tarch. in Age-
silao.

*de lib. 5 de
A. 1.*

*Xenoph. lib. 1.
Exped. Cyr.*

*De stipendijs
Militum,
Antiquis.*

Polyb. lib. 6.

Liv. lib. 7.

Tacit. l. 1. Annal.

*Xenoph. lib. 5.
Rev. Græcar.*

Thucyd. lib. 3.

Errat proinde BVDÆVS, qui stateres D A R I C O S (vt etiam Græcos) vnciales facit; vt prædicta satis declarant: Etiamq; , quod ex X E N O P H O N T E constat, D A R I C V M vnum fuisse militum C Y R I solitum pro Mense stipendium, Postea vero stipendium auctum, D A R I C V M vnum cum semisse: quod, si tantus esset stater D A R I C V S, pro diebus singulis, fere 3.^s fuisset, supra omnem fidem & morem, vt bene cognita militum stipendia clarum faciunt. Nam apud Romanos P O L Y B I V S testatur tempore suo, hoc est initio tertij belli Punici, stipendium fuisse in diem 2. obolorum pro pedite, (quod etiam pro ratione Denarij veteris & legitimi minus est quam 3.^d nostri) 4. pro Centurione, (id minus quam 6.^d) pro Equite autem 6. (id est, denarium integrum,) Triplum enim fuisse stipendium Equitis ad Peditem, discimus etiam ex L I V I O. Porro, stipendium pro Pedite tempore T I B E R I J, Assium 10. fuit, vt T A C I T V S meminit, cum Denarius diu ante ad 16. assium præcium prouectus fuisset (proximè nostri 4.^d ob. q. c.) Apud Lacedæmonios & alios fere Græcos, Triobolum Æginzum pro pedite (6.^d q.^a.) quadruplum pro Equite, vt est apud X E N O P H O N T E M. Athenienses autem, qui omnium liberalissimi sunt habiti, drachmam pro diurno stipendio præbuerunt (id est 7.^d ob.) vt author est T H U C Y D I D E S. D A R I C V S autem pro Mense, quod erat ordinarium

Xenophon. lib. 1.
Exped. Cyni.

Strabo. lib. 14.

Demosthen. in O-
rat. ad Phormion.

dinarium pedestris militiæ apud Persas stipen-
dium, fuit pro ratione auri apud eos 5.^d in
diem, pro ea quæ est apud nos 6.^d, *Daricus* au-
tem cum dimidio, quod auctum stipendium
ut dixi fuit, erat 7.^d ob. pro decupla auri pro-
portione, 9.^d pro duodecupla.

Semidaricus, cuius mentio in XENOPHONTE,
Stateris *Darici* dimidium, drachmam Atti-
cam ponderabat, valebatq; nostri.

Cizycenus aureus (*Cizycus* Græca ciuitas fuit
& Milesiorum Colonia, ut STRABO meminit,
quia tamen in Asia, in Propontidis littore sita
fuit, inter externos eius nummum recenseo)
grauior fuit *Darico*, quod eius æstimatio 28.
drachmas Atticas exæquauit, ut DEMOSTHE-
NES prodidit, quod pro eorum ratione decu-
pla auri ad argentum, valuit 17.^s 6.^d at pro
nostra, duodecupla, valuit è nostro.

flus dapeior.

7.s 6 d

Stater Aureus
Cizycenus.

1.li 1.s

• C A P I X.

De Summis Nummorum Græcis.



E veteribus Græcorum & Asia-
ticorum nummis quorum su-
perest in historijs memoria,
dixi. De recentioribus autem,
qui scilicet post CONSTANTINI
MAGNI tempora in Græcia viguerunt; que-
niam ab Imperatoribus Romanis fuerunt
procusi, post nummos Romanos dicam.

E

Nunc

Nunc de nummorum summis, quæ fuerunt Græcis, Mina & Talentum.

Mina Attica 100. drachmas continet, Noua scilicet à *SOLONE* instituta, vt *PLUTARCHVS* author est. Vetus enim ante *SOLONEM* 75. tantum drachmas habuit, vt *PRISCIANVS* & *FANNIVS* meminerunt. Continere autem Minam 100. drachmas, præter *PLUTARCHVM*, etiam *XENOPHON*, *CLEOPATRAS*, *PLINIVS*, & *SVIDAS*, ex *DIODORO*, cum alijs pronunciarunt. Itaq; valet Mina Centenaria argenti, de nostro.

Talentum autem vt ex *POLLUCE* & *VARRONE* constat, multiplex fuit. Omne tamen vt *SVIDAS* & *POLLUX* inquirunt, continet Minas 60. vt Mina drachmas 100. Proinde 6000. drachmas continebat Talentum omne, proprias scilicet eius regionis cuius talentum esse dicebatur. Verum sic certa mensura adhibenda sit, vt inæqualitas talentorum intelligi possit, cum respectu ad drachmas Atticas ita se habent.

Talentum Atticum est drachmarum Atticarum 6000. vt *POLLUX* & *FESTVS* & alij authores sunt, & elicitur ex *GELLIO*, qui *Sestertiorum* 72000. talenta 3. esse dicit. Nam tot sestertij. 18000. denarios seu drachmas conficiunt. Minus hoc Atticum Talentum dicitur à *PRISCIANO* & alijs: Intellige tamen, hoc ipsum nomine Talenti Attici sæpissime designari, Imo semper in Authoribus

μνα.

3.li. 2 s. 6 d

τέλατον.

Talentum Atticum Minus.

Idemq; commune.

Plutarch. in vita Solonis.
Priscian. lib. de Ponder.
Fan. Carm. de Ponder.
Xenoph. in De Regal.
Cleop. in Cosmet.
Plin. l. 21. c. ult.
Suid. in γδ- λαντος & μνα

Var. l. 4. Ling. Lat.
Suid loc. allegat.
Pollux. lib. 9. cap. de Talent.

Pollux. l. 9. cap. allat.
Festus in Talent.
Gell. l. 3. c. 17.

Priscian. lib. de Ponderib.

Liv. lib. 38.
Priscian. loc.
alleg.

Plin. lib. 33. c. 3.

Pollux. lib. 9.

Fest. in Vocabul.
Euboicum
Talentum.

Varro. lib. 4. de
Ling. Lat.

Pollux. l. 9. Ono-
mast. c. de
Talent.

Pollux. ibid.

Varro. lib. 4. de
Ling. Latin.

ribus (præter sacros) ubi nomen, Talentum occurrit, hoc ipsum intelligendum esse, si nomen Talentum absolute positum sit, neque distinctionis causa aliquid adijciatur. Valuit de nostro.

Talentum vero *Atticum* maius 8000. drachmarum fuit, ut *LIVIVS* & *PRISCIANVS* authores. Id valuit de nostro.

Talentum *Aegyptium* valuit tantundem, ut *PLINIVS* ex *VARRONE* instituit, id est.

Talentum *Syrium* drachmas continet Atticas 1500. Valuitque de nostro.

Talentum *Euboicum*, 4000. denariorum (id est, drachmarum) fuit ut *POMPEIVS FESTVS* author est. Id valuit nostri.

Talentum *Rhodium* 4500. drachmas Atticas continet, Valuit de nostro.

Talentum *Babylonicum* est 7000. drachmarum Atticarum. Illud proinde valuit de nostro.

Talentum *Aeginæum*, est 10000. drachmarum Atticarum: Valuitque de nostro.

Talentum *Alexandrinum* 12000. drachmarum Atticarum fuit, quantum & Hebræum Talentum exitit. Id valuit de nostro.

Hæc de maioribus talentis: Nam etiam obseruo minora quædam talenta fuisse in usu, quæ tamen videntur talenta non nisi exorbitante nominis notione appellata: ut.

187. li. 10. s

Atticum Maius

250. li.

Aegyptium.

250 li.

Syrium.

46. li. 17. s 6. d

Euboicum.

125. li.

Rhodium:

140. li. 12. s 6. d

Babylonicum.

218 li. 15. s

Aeginæum.

312. li. 10. s

Alexandrinum.

375. li.

Pollux, loc. allegat.
Suid, in Vocab.
τάλαντον.

Varro, loc. allegat.

Pollux, loc. allegat.

Varro, loc. allegat.

Varro, Ibidem.

Talentum Siculum vetus, quod 24. nummorum esse POLLUX dixit (tot Minarum SVIDAS sed corrupte) nummus autem *Polluci* semio-bolos 3. valet, id est, tertium vnum Romanum. Proinde ponderabat drachmas 6. tantum. Valuitq; de nostro.

• *Talentum Neapolitanum*, tantundem etiam valuit apud VARRONEM, scilicet.

Talentum Siculum novum 12. nummorum *Polluci*, id est, 3. drachmarum, quantum & *Syracusanum Talentum* fuisse VARRO dixit. Valuit de nostro.

Talentum Rheginum, vnius *Victoriati* fuit, id est, drachmæ tantum dimidiæ. Itaq; valuit de nostro.

Siculum vetus.

3.s 9.d

Neapolitanum.

3.s 9.d

Siculum Novum

&
Syracusanum.

1.s 10 d ob.

Rheginum.

3.d ob. q^a.

C A P. X.

De precipuis quibusdam Græcis Nummorum Numeris.



Liberum annuum *Atheniense* à socijs acceptum, VI PERICLES inquit apud THUCYDIDEM, fuit talentorum 600. XENOPHON autem eorum Reditus non minores esse scribit, quam 1000. talenta: *Atbenæ* 1200. facit. SVIDA demum ex omnibus undiquaq; collectis, eorum Reditus 2000 talenta fuisse statuit. Id vero de nostro est.

Sumptus

375000.li.

Thucyd. lib. 2.

Xenoph. l. 7. Exped. t. Cyri.
Athens. lib. 12.
Deim.

Plutarch. in A-
lexan. Arrian. l.
6. Exped. i. A-
lexandri.

Plut. in Pomp.

* Bude lib. 3. de
Asse. & Leon.
Portius. l. 2. de
ponder. & mens.

Plut. Ibid.

Herodot. in
Thalia.

Strab. lib. 17.

Curtius. l. 5. &
Arrian. lib. 6.
Exped. Alexand.
Curtius lib. 5.

Strab. lib. 15.

Inflin. lib. 13.

Inflin. Ibid.

Sumptus funeris HEPHESTIONIS ab
ALEXANDRO factus, talenta 10000. De
nostro fuit.

Reditus Romani creuerunt post victum
Mithridatem, ad 8500. myriades, (authore
PLUTARCHO) scilicet drachmarum, vt * vi-
ri docti obseruant, quod Græci scriptores nun-
quam per sesterios (vt Romani) sed per
drachmos numeros colligant. Id in nostris
pæcunijs valuit.

Qui ante fuerant tantum 5000. myriades,
eodem authore; Quod fuit de nostris.

Reditus DARIJ HISTASPIS filij erat
Euboicorum talentorum 14560. vt habet
HERODOTVS. Id valuit.

Reditus Ægypti regnante PTOLEMAEO AV-
LETE, erat talentorum 12500. STRABONE
referente, qui tamen dicitur dissolute rem cu-
rassè. Id fuit in nummis nostris.

In ærario DARIJ Susis, reperta ab ALEX-
ANDRO talentorum 50000. Id fuit de nostro.

In eiusdem DARIJ ærarijs Persèpoli, obti-
nuit ALEXANDER. 120000. talenta. Id de no-
stro fuit.

Thesauri DARIJ quos in vniuersum ALEX-
ANDER occupauit, fuerunt, inquit STRABO,
180000. talenta. Quod valuit de nostro.

In ALEXANDRI ærario post obitum eius,
reperta sunt talenta 100000. Quod fuit de
nostro.

ALEXANDRI Magni Reditus annuus,
E 3 300000.

1875000.li.

2656150.li.

1503500.li.

1820000.li.

2343750.li.

9351250.li.

12500000.li.

32750000.li.

18750000.li.

Iustin. ibid.
Buda. lib. 4. de
Affc.

300000. talentorum fuit (inquit IUSTINVS) re-
stitui debet, 30000. vt BVDAEVS corrigit, nam
& cum ratione non conuenit, tot habuisse in
Reditu annuo talenta, cum 100000. tantum
reliquit in thesauris, & vel sic, veteris regni
Perlici reditus multum excedebat. Talenta
autem 30000. In nostris nummis efficiunt.

5625000. li.

Herodot. lib. 7.

Bythij Bithynij opes fuerunt 2000. talenta
argēti (de nostro 375000. li.) In auro 4000000
Darici (de nostro 3000000. li.) Eius opes in
vniuersum valuerunt de nostro.

3375000. li.

Quod si Babylonica talenta intelligenda
sint, quæ in vsu in imperio Persarum, pars
septima argento adiicienda est.

Plin. lib. 33. c. 3.

CYRVS deuicta Asia, reportauit argenti
500000. talenta Ægyptia, seu maiora Attica.
Quod de nostro facit.

125000000. li.

Plin. ibid.

Præterea 34000. Pondo, id est libras auri.
Quod de nostro valuit.

1224000. li.

Ctesias.

SARDANAPALVS congeffit vt secum flammis
traderet, auri talenta 10000000. In Atticis
talentis, id de nostris valet.

1250000000. li.

Argenti autem decies tot talenta, quod va-
luit de nostro.

12500000000. li.

At vel in Syris talentis aurum faceret no-
stri.

5625000000. li.

Argentum autem produceret.

4687500000. li.

C.A.A.

CAP. XI.

De Veteribus Romanorum Nummis. Primo, De initijs Nummorum apud Romanos.

Ex Plin. lib. 33. cap. 3.



Es, antiquissimus Romanorum nummus, primo signabatur à **SERVIO TULLIO**, sexto Romanorum rege, ut **PLINIUS** author est. Nam ante, pondere tantum noscebatur, non imagine. Et quidem primo, nota Pecudum signatum æs fuit, authore eodem **PLINIO**. (Inde Pecunia dicta). Postea, ex altera parte Rostrum Navis, ex altera, Ianus geminus eius insigne fuit, in Iani memoriam impressum. Quæ causa erroris fuisse videtur **MACROBIO**, & **Athenæo**, qui id Iano ipsi tribuerunt. Ex inquam notæ fuerunt in Aëribus. Nam etiam in Triente, Quadrante, Sextante, Ratis insigne fuisse, præter **PLINIUM**, **FESTVS** etiam author est.

Loco allegato & lib. 16. cap. 3. & Varro lib. 2. de Re Rustica, ca. 1.

Macrobius, l. 1. Saturnalis, cap. 7. Athenæus, lib. 15. Deipnosophist.

Festus in vocab. Ratis.

Plin. lib. 33. cap. 3.

Argentum autem post devictum Pyrrhum signari coepit, An. vrb. 484. (nam sic corrigi debet) scilicet **Q. FAB. PICTORE** Cos. annis 5. ante primum bellum Punicum, inquit eodem loco **PLINIUS**.

Idem de Nummorum imaginibus, observatur in nummis Goldæ, Vrsini, Anton, Augustini & aliorum.

Eius notæ in Denarijs, sunt bigæ aut quadrigæ ut plurimum ex vna parte, interdum Castores, ex alia vero Romæ caput galeatum. *Victoriati*, imago sedentis *Victoria*: *Sestertij*,

Sueton. in Au-
guſto.

Plin. loc. allegato

* Lin. lib. 26.

ut plurimum *Cassores*, ex vna parte, vtriusque
autem ex altera parte Romæ caput. Ad Im-
peratores vsq; ita fere permansit. Nam * AV-
GVSTVS CAPRICORNVM nummis suis impres-
sit, Imperatores autem reliqui frequentissime
imagines suas.

Aurum deniq; signatum Romæ primum
fuit, anno 62. (nam sic reponi debet) post per-
cussum argentum, inquit PLINIVS: Nam eo
anno, CLAVD. NERONE, & M. LIVIO SALINA-
TORE, COSS. * LIVIVS signati auri meminit.
Nec aliam imaginem inuenitur submiſſe au-
rum quam argentum, id est bigas & quadri-
gas cum Romæ Capite, quæ sane videtur fuiſ-
ſe cauſa, quod aurei etiam nummi Romanis
interdum denarij dicerentur.

C A P. XII.

De Aereis Romanorum Nummis.

Varr. L. 4. de
Ling Latina.

* Dion. Halicar-
naſ. lib. 9.

Vide Plin. L. 33.
cap. 3.



S, quasi æs dicitur, inquit VARRO,
nam æreus nummus fuit. Et
quidem ab initio, æris * libra.
At postea, bello Punico primo,
Populus ære alieno pressus, ferit
ex ijs sextantarios, inquit PLINIVS, id est sex
ex vno, valore tamen eodem seruato. Deinde
bello Punico secundo premente ANNIBALE,
sub Q. FAB. MAXIMO Dictatore vnciales sunt
facti, id est ad dimidiam magnitudinem re-
ducti.

As.

Varro. loc. allegat.

Varro. ibid.

Varro. ibid.

Plin. lib. 33. c. 2.

Cic. l. 7. epist. ad Attic.

Varro. ibid.

Lin. lib. 2.

Plin. li. 33. c. 10.

Valer. Max. l. 4. cap. 4.

Varro. ibid.

Varro. ibid.

Varro. ibid.

Vnde Varro. loc. allegat.

ducti. Postremo, lege Papyria, semunciales, sic perstitērunt. *As* autem decimam partem Denarij Romani valuit. De Nostro nummo.

Semis, quasi *semis* (inquit VARRO) id est Assis dimidium, valuit de nostro.

Triens, id est tertia pars Assis, valuit è nostro.

Quadrans, id est quarta pars Assis, *Triuncis*

PLINIO, *Teruntius* CICERO, quod ante *as* diminutū, uncias tres cōtineret, valuit de nostro.

Sextans, sexta pars *Assis*, Quantula fuit in singula capita collatio, in funere Menenij Agrippæ, Romanæ salutis quandam arbitri, ob viri paupertatem. Id valuit de nostro.

Verum etiam vrgente apud Romanos ære graue, id est librali asse, Minores de ære nummi cusi sunt. Vt.

Vncia, pars duodecima Assis grauis, id est libræ æris; valuit de nostro.

Semuncia, dimidia pars *Vnciæ*. 4. drachmarum pondere, valuit è nostro.

Sextula, sexta pars *Vnciæ*, minimus apud Romanos ex ære nummus. Valuit nostri.

Hij nummi ærei fuerunt *Asse* minores qui antiquitus in Romanorum cōmercijs. Verū & maiores *Asse* ijs fuisse legimus, cū in *Varro* ne sit, *Decussus*, 10, *Asses* (1) Denariū valuit, *Vicesis*, qui Denarios 2. *Tricesis*, qui 3. Et quidem ascendebant vsq; ad *Centussum*, quo æreorum nummorum vocabulum maius non fuit, auctore VARRONE, ille autem 100. *Asses* continens, denarios 10. argenteos valebat. Id est nostri. 6^a. 3^d.

F

CAP.

ob. q^a.

Semissu.

q^a. q.

Triens.

q^a.

Quadrans.

q. c.

Sextans.

q.

Vncia.

c.

Semuncia.

1/4. c.

Sextula.

1/2. c.

CAP. XIII.

De Argenteis Romanorum Nummis.



EN nummis argenteis postea dicemus. Qui erant.

Denarius, sic dictus quod *denos æris seu Asses valeret, Cuius non idem pondus &

æstimatio semper apud Romanos fuit. Nam Denarius vetus Romanus, Consulum tempore procusus, septimam partem vnciæ ponderabat, vt CÆLSVS & SCRIBONIUS LARGVS cum alijs, authores sunt; Etiamq; PLINIVS qui 84. Denarios, ex vna argenti libra cusos fuisse prodidit. Valuit proinde vetus ille Denarius, de nostro.

Denari⁹ novus (à CLAVDIO Imperatoris temporibus vt creditur natus, suspicor tamen aliquanto antiquiorem esse) drachmam Atticam exquisitè pōderabat, (nam 96 Denarij ex argenti libra cudebantur) vt non solū * PLINIVS, CLEOPATRAS, ISIDORVS, & infiniti * alij testantur: verum & certa præterea ratio comprobatur. Etenim Græci scriptores vbi de rebus Romanis loquuntur, semper pro denarijs drachmas reddunt. Valuit de nostro.

Respectu autem huius Denarij noui, omnes nostræ computationes factę sunt. Quod si in adhibenda ratione nummorum ad antiqua tempora respectus habeatur, in quibus scilicet vetus & legitimus denarius viguit, omnia par-

te

*Denarius vetus.*8. d. ob. c.
cum $\frac{1}{4}$. c.*Denarius novus.*

7. d. ob.

* Var. l. 4. ling.
Latin.
Vitruv. l. 3. c. 8.

Cels. lib. 5. c. 17.
Scribon. Larg.
in præfat.
Plin. l. 33. cap. 9.

* Plin. l. 21. c. 34
Cleopat. in Euf.
met. Isidor. l. 16.
Etymol. cap. 24.
* Aibena. lib. 4.
Galen. l. 8. Com.
posit. Med. sec.
loc. c. 3. Et saepe
in lib. de Comp.
med. secund.
genera.
Obserua.

Plin. lib. 33. c. 3.

Iun. lib. 41.
Volus. Metian.
lib. de Ponder.
Plin. lib. 33. c. 3.Priscian. lib. de
Ponderib.
Plin. loc. allegat.
Var. lib. 4. ling.
Lat.
Metian. lib. de
Ponder.
Vitruv. lib. 3.
Architect. cap. 1.

Cels. lib. 5. cap. 17

Varro lib. 4.
ling. Lat.
Met. loc. a Neg.

Varro ibidem.

te septima augenda sunt. Tantum enim Denarius novus à veteri superatur.

Bigatus, & *Quadrigatus*, idem est Romanis quod Denarius. Quoniam enim Denarius bigas aut quadrigas ex altera parte impressas habuit, ijs nominibus fuit appellatus.

Victoriatas, imaginem sedentis Victorix ostendebat, (vnde ei nomen fuit) Lege CLODII Romæ primo percussus, ut inquit PLINIVS. Dimidia pars Denarij fuit: vnde & *Quinarius* idem dictus, quod quinque Asses valuerit. De nostro autem valuit.

Sestertius, sic dictus quasi sesquitertius, inquit PRISCIANVS, quia continet Asses duos cum semisse: ut, PLINIVS, VARRO, METIANVS, VITRVVIVS, & alij authores sunt. Dimidium est *Victoriatas*, quartaq; pars denarij. Idem fere, *Nūmus*, absolute positus, significat apud Romanos scriptores, quia frequentissimus eius in rationibus vsus fuit. Etiam interdū Sestertius nummus vocatur. De nostro valuit.

Obolus, sexta pars Denarij, (*Obolo Attico* æquales) quem ea causa *Sextantem* CELSVS vocat. Valuit de nostro.

Libella, decima pars Denarij, Assi æqualis pretio. Ideoq; inquit VARRO libella dicta, quod valore equaret æris libram; quasi pusilla libra, ait METIANVS. Valuit de nostro.

Sembella, quasi semi-libella, vigesima pars Denarij, *Libella* scilicet Dimidium. Proinde ea valuit de nostro.

Bigatus,
Quadrigatus.

7.d. ob.

Victoriatas,
Quinarius.3.d. ob. q.
Sestertius.*Nummus*.1.d. ob. qa. q.
Obolus.1.d. qa.
Libella.

ob. qa.

Sembella.

qa. q.

Varro, *ibid.*

Terantius, quadragesima pars Denarij fuit: Ita appellatus, quod tres æris vacias valeret præcio. Minimus nummus argenteus fuit in Romanorum vsu, vel qui vsquam legitur in historijs. Nam & hos postremos argenteos fuisse, Varro certus nobis author est, libro iam sæpe allegato. Valuit autē TERTIIVS nostri.

Terantius.

q. c.

CAP. XIII.

De Aureis Romanorum Nummis.

Plin. l. 33. c. 3.
Didymus apud
Priscian. lib. de
Ponderib.



Vrei Romanorum nummi proxime declarandi, quos Aureos Denarios PLINIVS cum Alijs appellat, siue quod easdem imagines quas argentei denarij ostēdebant, siue quod magnitudine ad oculum non multum ab ijs discreparent. Quorum tres varietates apud Romanos factas * Idem meminit. Verum tam corruptus ille PLINIJ locus est, vt nihil inde certi vel diuinando elici possit. Veruntamen ex aureis nummis qui supersunt, aduerto priscum Aureum Romanorum. Consulum temporibus proci sum * duos veteres Denarios argenteos ponderasse, vt ex ijs qui supersunt exploratum est: Ita vt 42. ex auri libra cuderentur. Duas proinde drachmas cum 7 pendeat. Valuit proxime de nostro.

Aureus Priscus
sen
consularis.

* Plin. loc. allegat.

* Vid. Anton.
Pois. lib. de
Num. Antiq. c. 9.

17. s. I. d. ob. q^a

Aureus
Imperatorius.

Aureus Recentior, circa prima Imperatorū tempo-

Buda. de Aſſe. l. 3
Hotoman. de Re
Nummaria. pag.
324.
* Spurre Rials

Ex Buda. lib. 3.
de Aſſe.

Lamprid. in
Alexand. Sever.

tempora (vt videtur) procuſus, parte ſeptima aureo priſco leuior fuit: Drachmas enim duas pende-
bat, vt 48. ex Auri Libra cuderentur, quod in multis, poſt BVDZVM HOTOMANNVM & alios, expertus ſum. *Rofalis Anglicis* pares pondere vel **Nobilibus Eduardicis*, quib⁹ etiam tere paris indicatur⁹ ſunt. Valuit ergo hic Recentior aureus de nummis noſtris.

Aurei ergo Romani didrachmi fuerunt, talesq; perfecte perſiterunt, per primorum quinque Imperatorum tempora, vſq; ad NERONEM. Inde fraude & auaritia principum, paulo iuſto leuiores facti ſunt pondere. Nihil tamen de valore & poteſtate deceſſit. Prima vt dixi diminutio facta eſt ſub NERONE, ſed per exigua, 2. aut 3. granorum. Paulo adhuc maior ſub GALBA. NERVÆ autem, TRA-
IANI, HADRIANI aureis 8. momenta ſive grana ponderis deſunt: Iſi autem quos VESPASIANVS cudit, 10. detracta ſunt: Quam diminutionem etiam Aurei ANTONINI Pij, M. AVRELII, SEVERI, &c. ſubierunt. Inter hos tamen DOMITIANVS, TITI frater & ſucceſſor, aureis integrum ſuum 2. drachmarum pondus reſtituebat.

Aurei ergo Imperatorij apud Romanos, aut didrachmi fuerunt, aut pro didrachmis permanserunt, vſq; ad ALEXANDRI SEVERI imperium. Nam eo Imperante authore LAMPRIDIO, primo cuſi ſunt.

Semiſſis aurei. Id eſt, aureus drachmalis:

F 3.

qui

Aureus
Imperatorius.

15.3

Semiſſis,

qui scilicet pendeat drachmam. Et valuit proinde de nostro.

Tremissis Aurei, id est, *Triens* seu tertia pars. Itq; valuit de nostro.

Atq; hæc fuit aureorum nummorum conditio ad *AVRELIANI* tempora, qui denuo ad didrachmas redijt: Neq; alia fuit eorum constitutio, dum Roma Imperij Romani sedes permanfit.

7.5 6.d

Tremissis.
5.8

CAP. XV.

De Aureis Nummis post Imperij sedem Byzantium translatum.



T CONSTANTINVS Magnus aureum qui ante didrachmus fuerat, ad drachmam vnam, & septimam drachmæ partem deduxit: vt denarij argentei veteris Romani exquisite pondus obtineret. Etenim * 7. ex auri vncia cudi statuebat (ex libra, id fuit 84.) Quem tamen 4. Scrupulorum (nova Scrupuli notatione, quod 20 grana cum $\frac{1}{2}$. contineret) factum iri edicit. Itq; post tempora CONSTANTINI Græcis Νύμφα (Romanis, Solidus) semper dictus est tum in *Novellis* IUSTINIANI, tum aliorum Orientalium Constitutionibus, tum denique apud THEOPHILVM, HARMENOPVLVM, NICEPHORVM, CEDRENV, ZONARAM, &c. Valuit

Aureus
Constantini.

* In l. 1. c. 7b.
de Ponderatorib.

Valuit autem is Aureus de nostro.

Ad VALENTINIANI Imperium vsque tales viguerunt auri. Is enim ad paulo grauiores redijt. Iussit enim vt * 6. ex auri vncia cuderentur, vnde & Græcis ἑξαγών dicebatur, & SEXTULA ISIDORO, quod esset sexta pars vnciæ. Proinde scrupula vere 4. id est, drachmam & ½. ponderabat, æqualis plane nostris Genialis Anglicis. Ita vt 72. ex auri libra cuderentur. Quales etiam fuisse aureos solidos ætate IUSTINIANI * certum est. Et sane videntur ad extrema Imperij tempora tales perstitisse. Nisi quod aliquid fraude & avaritia præter lēges & edicta detractum sit à principibus. Nam ego plures eorum Imperatorum aureos diligenter expendi, VALENTINIANI, & fratris sui VALENTIS, ARCADII, HONORII, & aliorum, omnesq; haud paucis granis pondere iusto leuiore reperij. Legitimum tamen pondus erat 4. scrupulorum vt dixi, & proinde de nostro valebat.

Semis aurei VALENTINIANI, etiam cudebatur, qui valuit de nostro.

Triens etiam vel *Tremis* (vt vocabatur) id est, aurei solidi pars tertia. Isq; valuit nostri.

Scrupulum deniq; pars aurei Solidi quarta: Quod de nostro valuit.

8.s 6.d ob.
q^a. & 7. q.
Aureus
Valentiniani
seu
Sextula

10.s

Semis.
5.s

Tremis.
3.s 4.d

Scrupulum.
2.s 6.d

CAP.

* L. quoties, s.
cap. de S.cept.

Isidor. Etymolog.
l. 16. c. 24.

* Ex Numm. 32

CAP. XVI.

De Argenteis & aureis Nummis Imperij Byzantium translatis:

Ex Novel. l. 105
cap. 2. §. 1.

* Cedren. ubi de
Leon. Conone
sermonem facit.
Suid. in Με-
ταρίσιον

Isidor. in Ety.
mol. l. 16 c. 24.

Isidor. ubi supra.

* In Novel. 32
Isidor. Ecclesiast.
ib. 10. cap. 6.
Lamprid. in He-
roclab. Enstasib.
ad 1. lib. 1.



Metallarium 2. pendebat drachmas,
partem enim octauam Aurei
Solidi valebat, cum 2. Ceratijs
(magnis scilicet auctisve) * CE-
DRENO auctore constet. SVI-
DAS tamen decimam esse dixit (variavit scili-
cet cum tempore auri pretium:) sed 2. drach-
mas cum haberet, valuit de nostro.

CERATES ISIDORO, -Siliqua cornuta
est, ob Lunæ ut creditur crescentis notam qua
signabatur: quo signo supra ceratium com-
mune seu filiquam excrescere intelligebatur.
Argenteus nummus fuit drachmæ pondere,
sed Ceratium dictus, quod Ceratio auri, crescen-
ti nempe vel magno, (quod filiquam cum di-
midia complectebatur, id est, semiobolum)
pretio æquaretur. De nostro proinde valuit.

Siliqua vel Ceratium simplex. Argenteus
nummus, sed ita appellatus quod pretio 4.
granorum auri (id pondus est filiquæ) æqualis
esset. Vigesima quarta pars Solidi auri, ut est
in Novel. l. 32, * IUSTINIANI. Valuit nostri.

Follis, cuius in historia EVSEBII, & alibi
sæpe mentio: æreus nummus fuit, ut LAM-
PRIDIUS, ferreus, ut EVSYATHIUS dixit:
sic dictus, quod folij instar in tenuem bracteolam
percussus esset. Duo-

Μεταρίσιον.
Μεταρίσιον.

1. s. 3. d.

Κεράτιον.
Μαγνόν.
Semiobulus.

7. d. ob.

Κεράτιον
Simplex.
Siliqua.

5. d.

φολίς,
φολίς,
φολίς,
φολίς.

Ex Nummis &
Inscriptionibus
antiquis, &
Prisciano lib. de
Ponderib.

Duodecima pars Siliquæ fuit, vt IUSTINIANVS in *Leg. Georg.* Idem dicit ZONARAS *Tomo 3.* & CEDRENVS vbi de LEONE *Conone* loquitur, Valuit proinde de nostro.

q³. q. & $\frac{1}{2}$.

Nummis Romanis omnibus declaratis, quorum nomina ex veterum scriptis elicere potui: figurales præcipuorum notas subijcio, quibus indicabantur & in nummis, & in scriptis. Itaq, nota Assis quoniam ab initio Libralis fuit, erat L . *Sestertij*, quod duas libras æris & dimidiam potestate contineret, erat HS , vel HS . Quinarij seu Victoriati, erat V. Denarij denique, x. vel X .

CAP. XVII.

De Summis Nummorum Romanis.



DE Nummis dixi, de Summis Nummorum proxime dicam, qui fuerunt in Romanorum vsu. Illæ autem tres.

Sestertium, genere neutro.

Sestertium.

(Nam in hoc nomine vulgarem opinionem & nos sequamur) 1000. *Sestertios* continet, (Quantum lege IULIA Sumptuaria, nuptialibus convivijs impendere licebat AUGUSTI tempore, vt GELLIVS meminit). Id valuit nostri.

7.li. 16.s. 3.d

Libra seu *Pondo*, uncias continebat argenti duodecim, id est, drachmas seu denarios

Libra. Pondo.

G

recen-

Gell l. 2. c. 34i

recentiores 96. Parte sui vigesima quarta minor quam Mina Attica. De nostro valuit.

Talentum, 24. sestertia continet. 6000. Denarios recentiores, Idem plane cum Talento Attico: Nômina enim Talenti, Minæ, drachmæ, Romani acceperunt à Græcis, vt Græci à Romanis libram & vnciam, (quæ illis *ἀργύρα* & *δύρρα*) GALENO id agnoscente. Id proinde valuit de nostro.

Sportula, Nam & eam adijcio, quod sæpe occurrat, & summula quædam fuit, 100. enim quadrantes, id est, sestertios 10. continebat. Merces erat olim salutationum ambitiosarum apud Romanos togatis, Rectæ coenæ loco comitibus & affectis à viris principibus data; vt BVDÆVS, & alij notarunt. Mentio eius in SVETONIO, Poetis, & antiquis inscriptionibus sæpe. Fuit autem *Sportula* nostri.

3.li.

Talentum.

187.li. 10.s

Sportula.

1.s 6.d ob.qa.

CAP. XVIII.

De Sestertio. Et arte Romana, Numerandi per sestertios.



Sestertium, in neutro genere, quod nunc invaluit, observo nūquam in numero singulari apud veteres Romanos occurrisse. Nam & PRÆCIANVS Lib. 7. negat *Sestertius* neutrum habere genus; Et perpetuum

Galen. lib. 1. de Compos. Medicam. sec. genera.
Bude. lib. 5. de Affe.
Sueton. in Nerone. Domitiano.
&c.

Vide Agricol. l. 2. de Ponder & Temperatur.
Monet. & Hottoman. l. de Re Nummaria.
Traut. de Sestertio.

tuum eius nominis silentium in VARRONE, PLINIO, VOLVSIO, PRISCIANO, idem comprobatur, licet ijs persæpe fuisset occasio vsurpandi, si nummorum summam designasset: Et deniq; ratio quam de Nomine asserunt, scilicet *Sestertium* appellari, quod duas argenti libras cum semisse contineat, cum re ipsa non convenit, id est, cum mille sestertijs. Nam hij efficiunt 7^{li.} 16^{s.} 3^{d.} at illæ tantum 7^{li.} 10^{s.} Tamen plurale nomen *Sestertia* sæpe legitur, & quidem eo sensu vt 1000. sestertios significet.

Ars autem Romana numerandi per sestertios, in tribus his regulis consistit:

Prima, Si nomen numerale convenit casu, numero, & genere cum *Sestertio*, tot præcise indicat, quot efferuntur, vt (exempli gratia) *Decem Sestertij* totidem designat.

Secunda: Si nomen numerale alterius casus, iungatur cum genitivo plurali nominis *Sestertius*, vt *Sestertiũ*, tot quidem millia indicantur, vt ex. gr. *Decem Sestertiũ*, denotat decem millia sestertiorum.

Tertia: Quod si Adverbium numerale, iungitur cum sestertijs, designat totidem Centena millia: vt *Decies sestertiũ* valet decies centena millia sestertiorum. Quin & adverbium numerale ipsum, sine aliquo adiecto positum idem indicat, vt *Decies*, aut *Vigesies*, &c. tot centena sestertiorum millia, vel vt loquuntur, tot centena *Sestertia*.

CAP. XIX.

*Summa quadam Romanorum Nummum,
& earum in nostris De-
claratio.*



Amilli multa 500000. *æris*, id est, *Assium*. Ingens pro illa tempestate apud Romanos *Summa*. De nostro valuit.

1562.li. 10.s.

Mille Denarij diurna merces *Histrionis Roscij*. Quod de nostro fuit.

31.li. 5.s.

Decem millia Denariorum, *Thaidis* mercetricis postulatum à *DEMOSTHENE*, ut *GELLIVS* meminit. Idemq; præmium à *PLATONE* datum pro tribus *PHILOLAI* *PYTHAGORICI* libris, * *Alibi* apud *GELLIVM*. De nostro.

312.li. 10.s.

Remuneratio *Centurionis* ab *ANTONIO*, eius, qui caput *CICERONIS* ei attulit, 250000. Denarij fuit. De nostro.

7812.li. 10.s.

Quadringenta sestertia, id est, quadringenta millia sestertiorum, *Census* equestris fuit apud Romanos. Valuitq; de nostro.

3125.li.

Octingenta sestertia, (prioris duplum) senatorius *Census* ante *AVGVSTVM* fuit. Quod valuit.

6250.li.

AVGVSTVS autem *Senatorium Census* ad 1200. sestertia perduxit. Quod nostri est.

9375.li.

CICERO centena *HS*, id est, sestertiorum tot millia reddituum percipiebat è suis prædijs. Id fuit, tantum, nostri.

781.li. 5.s.

Decies

Liv. lib. 6.

Macrob. Saturn.
l. 3. c. 14.

Gell. l. 1. c. 8.

* Lib. 3. c. 17.

Appian. l. 4.
Civil.

Plin l. 33. c. 2.

Sueton. in Au-
gust.

Sueton. Ibid.

Cicero. in Para-
doxis.

Bude. de Affe.
lib. 2. ex Inue-
nale.

Decies centena millia sestertiūm. Maximu^s
apud Romanos dotis modus, vt BVDÆVS do-
cet. De nostro fuit.

7612.li.10.3.

Sueton. in Iulio
Cæsare.

IULIVS CAESAR SERVILIAE (matri BRVTI)
dedit margaritam, quam sexagies mercatus
est. Nostri fuit.

46875.li.

Plin. l. 9. cap. 35.
* Seneca lib. de
Consolat. ad
Heluiam.

Vnio CLEOPATRAE propinata ANTONIO
centies sestertiūm fuit. * Quanti etiam C. CA-
LIGVLA cœnavit. Valuit id de nostro.

78125.li.

Macrob. Satur-
nal. lib. 3. cap. 14

ÆSOPVS TRAGICVS ex arte histrionica filio
suo reliquit ducenties sestertiūm. fuit id de
nostro.

156250.li.

* Plin. l. 9. c. 35.
* Sueton. in Iu-
lio. & Eutrop.
lib. 6.
* Aelian. 2. 3. 5.
in Verrem.

* Ornatus LOLLIAE PAVLINAE quadringen-
ties sestertiūm fuit. * Quantum etiam legi-
mus fuisse tributum Galliae à Cæsare imposi-
tum. * Quantum deniq; ex Sicilia contra leges
abstulisse VERRES accusatur à CICERONE. Qua-
dringentes sestertiūm autem. De nostris num-
mis est.

312500.li.

Plin. l. 35. c. 15.

P. CLODIVS habitavit in domo empta cen-
ties quadregies septies, vt meminit PLINIVS.
De nostro id fuit.

114843.li.15.3.

Valer. Max.
lib. 9. cap. 1.

CVATIO filius contraxit æris alieni sexcenties,
vt meminit VALERIUS. id nostri fuit.

468750.li.

Plin. l. 36. c. 15.

At MILO debuit septingentes, narrante
PLINIO. Quod fuit.

546875.li.

Appian. lib. 2.
Civil.

IULIVS CAESAR autem oppressus ære alieno
dixit, bis millies & quingentes centena mil-
lia sibi esse oportere, vt nihil haberet. Id de
nostro est.

1953125.li.

Sueton. in Ve-
spas. 18.

VESPASIANVS primus è fisco Rhetoribus

Liu. lib. 28.

Græcis & Latinis, annua centena HS constituit. Id valuit nostri.

781. li. 5. a.

Sueton in Iulio
Cæsare. 22.

Illata sunt in ærarium à M L I V I O & C L. N E R O N E C O S S. Tricies & octoginta millia sestertiûm. De nostro.

296875. li.

Liu. lib. 38.

Aurea fori Romani, quod de manubijs I V L I V S C A E S A R inchoavit, super millicies sestertiûm constitit. Id de nostro fuit.

781250. li.

Velleius lib. 2.

Relatum à S C I P I O N E A F R I C A N O in ærarium Romanum, Bis millicies sestertiûm. Id de nostro valuit.

1562500. li.

Tacit. lib. 13.
Annal.

Bis millicies centies illatum ærario ab Æ M I L I O P A V L O ex Macedonia manubijs. Id fuit de nostro.

1640625. li.

Seneca lib. 2. de
Benef.

S E N E C A apud T A C I T U M fatetur se quadricenio comparasse ter millicies sestertiûm, quantum & E P R I V S M A R C E L L V S, & C R I S P V S V I B I V S, & P A L L A S C L A V D I j L I B E R T V S, dicuntur possedisse. Id erat.

2343750. li.

Velleius lib. 2.

L E N T V L V S Augur, antequam libertini eum pauperem fecissent, quater millicies sestertiûm suû vidit, inquit S E N E C A. Quod fuit de nostro.

3125000. li.

Sueton. in Cali-
gula. 37.

Pecunia quinq; I V L I j C A E S A R I S triumphis è manubijs lata, sexies millicies & paulo amplius fuit. De nostro.

4687500. li.

Tacit. lib. 1. Hi-
storiar.

T I B E R I V S C A E S A R corrasit & reliquit, vigesies septies millicies sestertiûm. Quod totum ante annum C A L I G V L A dissipavit. id valuit.

21093750. li.

N E R O bis & vicesies millicies sestertiûm donationibus effudit, referente T A C I T O. Id de nostro fuit.

17187500. li.

Qui

Sueton. in Neron. 31.

Sueton. ibid.

Tacit. lib. 2. Historiar.

Sueton. in Vespasiano. 16.

Plutarch. in Camillo. & Liv. lib. 5.

Sueton. in Julio Caesar. 49.

Sueton. in Augusto.

Plut. in Crasso.

Qui TIRIDATI vrbe discedenti donauit super millies sestertiũm. Id fuit de nostro.

Et eidem TIRIDATI in vrbe moranti, nummũm (id est sestertiorum) 800000. diurna, erogauit. Id fuit.

VITELLIVS paucissimis mensibus (inquit TACITVS) consumpsisse creditur nouies millies HS. Id de nostro fuit.

VESPASIANVS protestatus est in principatus sui initio, ob summam ærarij dissipationem, quadringenties millies opus esse, vt Resp. stare posset. Maxima ea summa omnium quæ in Romanis leguntur historijs. Valuit de nostro.

Redemptio Romæ à GALLIS mille auri libræ fuerunt (vna P. CLODII domus, triplo pluris postea constitit) auctore PLVTARCHO Id valuit nostri.

CÆSAR (Dictator) in primo consularu 3000. pondo auri furatus è Capitolio, tantundem inaurati æris reposuit, vt retulit SVETONIVS. Id valuit de nostro,

OCTAVIVS CÆSAR in CELLAM IOVIS CAPITOLINI intulit auri pondo 16000. Gemmasq; insuper & margaritas sestertiũm quinques millies. Quorum, aurum valuit de nostro.

Gemmæ vero & Margaritæ valuerunt.

Reliquiæ opum CRASSI, postquam decimam consecrasset HERCVLI, atque publico conuiuio populum Romanum excepisset, & ciuibus

781250. li.

6250. li.

7031250. li.

312500000. li.

36000. li.

108000. li.

576000. li.

3906250. li.

ciuibus insuper singulis dedisset 3. mensium triticum, fuerunt talenta 7100. Id valuit de nostro.

1331250. li.

Plin. l. 33. c. 10.

PLINIVS autem in agris eum possedisse scribit bis millies centena millia sestertiū. Quod de nostro fuit.

1562500. li.

Liv. lib. 33.

ANTIOCHVS pro pace Romanis soluit ex pacto 15000 talenta. Id de nostro fuit.

2812500. li.

Plutarch. in Sylla.

Mulcta Asia imposita à SYLLA ob defectionem, talenta fuit 20000. Quod facit de nostro.

3750000. li.

Plutarch. in Antonio.

Tributum impositum Asia ab ANTONIO 200000. talenta. Quod de nostro fecit.

37500000. li.

CAP. XX.

De Proportione Auri ad Argentum.



T luculentior fiat nostra quæ præcessit nummorum tractatio, de auri argentiq; proportionē, prætijs, & temperatura, pauca adijcienda sunt. De proportionē autem imprimis sciendum, aurum obtinere à natura sua quoddam cæteris metallis præstet: quia cæteris & purius est, utpote magis liberum & segregatum ab excrementis, & etiam in mixtione ipsa perfectius, utpote exquisitissima actione caloris elaboratum. Metalla enim omnia licet in mixturæ suæ radice & initio,

tio,

Pollux. lib. 9.
Onomast. cap. de
Talent.
Hesychius in
δραχμῶν.
" In vocabulo.
Χρυσός.
Liu. lib. 38.

Zonar. Tomo.
3. Suid. in
Δραχμῶν.
Plin. l. 33. cap. 3.

" Lu. lib. 1. c. de
Argent. pret.

Herodot. in
Ibalia.

tio, similia fere sint, varios tamen excretion s, coctionisq; gradus sortiuntur. Verum, quod certa proportionē, argenti aut aliorum metallorum prætia aurum superet. Id non à natura est, sed constitutione principum. Proinde proportio ea auri ad argentum quam supra assignavi, scilicet duodecupla, perpetua non fuit, sed vel pro copia auri aut inopia, vel arbitrio principum sæpe variavit. IULIUS POLLUX, & apud eum MENANDER; & HESYCHIUS, atque apud * illum POLEMARCHVS, eam decuplam facit. Quin & tantum fuisse aliquando, non maiorem, apparet ex LIVIO, vbi à Romanis pactum cum *Aetolis* fuit, ut si aurum dare mallerent quam argentum, pro argenteis decem, aureum vnum persoluerent. Idemq; sane plurimum obtinuisse videtur in veteri Græcia & *Asia*, quod de Græcis ex DIOME ZONARAS observat, quod & de PERSICIS è SVIDA non obscure cognoscitur. PLINIVS proportionem auri ad argentum, cum primum Romæ signaretur, prodidit fuisse quindecuplam, nam auri scrupulum inquit valuit sestertijs vicenis. Tempore vero ARCADIJ & HONORIJ constat fuisse fere, ut 14. $\frac{1}{4}$. ad vnum, ut * ex eorum constitutionibus clare elicitur. Valuit autem interdum aurum ut 1. par 13. argenti, etiam apud *Asiaticos*, ut evidens ex HERODOTO, vbi vnum talentum auri 13. argenti talentis taxatur. Porro, ea proportio aliquando fuit, ut 1. ad 12. $\frac{1}{4}$. ut cum Au-

H reus

Sueton. in Otho.
Tacit. lib. 1. Hi-
storiarum.

Dion. lib. 55.

Plato in Hip-
parcho. Plin. lib.
19. cap. 1.

reus Romanus didrachmus valeret sestertijs centum, vt in GALBAE temporibus, ex collatione SVETONIJ & TACITI fuisse cognoscimus. Nam de eadem OTHONIS largitione locuti, ille aureum, hic 100. sestertios eam facit, vt etiam DION 25. drachmas, quod in idem plane recidit. At proportio auri ad argentum celebratissima, & quæ plurimum euicit, est duodecupla. Quā non solum PLATO verā esse illorū metallorū analogiā statuit, & apud Romanos circa PLINIJ tempora valuisse video: qui quatuor denarijs vnum auri scrupulum permu-
tari scribit. Verum & eandem æstimationem proportionemq; apud nos, aliasq; gentes plurimas iamdiu obtinuerunt. Pro illa autem vtriusq; proportionem, statuendum est hunc in modum vtriusq; metalli pretium & æstimatio.

C A P. XXI.

De Auri & Argenti Pretijs.

Libra {	Argenti,	3. li.	{	Continet Libra 12.	Λίτρα.
	Auri, valet	36. li.		Vncias. Ponderat gra-	
	* Obrizi,	37. li. 10. s.		na, 6912.	

Vncia {	Argenti,	5 s.	{	Continet Vncia 8.	Ὀγγία.
	Auri, valet	3. li.		drachmas: Ponderat	
				grana. 576.	

Drachma {	Argenti,	7. d. ob.	{	Continet Drachmā,	Δραχμή.
	Auri, valet	7. s. 6. d.		3. scrupula: Ponderat	
				grana. 72.	

Scrupulum

* Budeus de
Affe. lib. 5.

Scrupulum	{ Argenti, 1. d. ob. valet Auri, 2. s. 6. d. }	Continet Scrupulum Obolos 1. Ponderat grana. 24.	Γράμμα.
Obolus	{ Argenti, 1. d. q. ^a . valet Auri, 1. s. 3. d. }	Continet Obolus Cestaria seu siliquas 3. Ponderat grana. 12.	ὀβολος.
Siliqua	{ Argenti, q. ^a . q. c. $\frac{1}{2}$. valet Auri, 5. d. }	Continet Siliqua seu cestratium, Ponderatq, sitaria seu grana. 4.	Κεράτιον.
Grammum	{ Argenti, c. $\frac{1}{2}$. $\frac{1}{2}$. valet Auri, 1. q. ^a . }		Σιτάριον.

CAP. XXII.

De Aurei & Argentei Nummi Temperaturis.



Vporest vna consideratio de auri & argenti temperatura, quæ est eius permixtio cum materia aliena: Aurum enim Argento, Argentum ære temperant, ut proinde in aureis, & argenteis nummis varij obseruentur gradus puritatis. Aureorum autem omnium purissimi, DARICI sunt. DARIVS enim HERODOTO referente, quoad fieri potuit, omnem

Herodotus in Meliopolitana.

* *Obrizum* ijs
quasi *ophirizum*.
id est aurum ex
Ophir allatum.
* *Plin.* l. 33. c. 3.
Vide. Bude.
lib. 3. de Affe.

Bodin. lib. 2.
Theatr. Naturæ.

materiam alienam excoxit. Quod & inter Romanos Imperatores TACITVS fecit: *Obrizum* Monetales viri id vocant: nam in officina monetali natum id nomen fuisse, cui tamen aliam originem * quidam assignant, * PLINIVS non obscure significat. Est autem *Obriza* examen seu probatio per ignē acerrimū, qua omnis fere alienæ materiæ admixtio excernitur: dixi (*fere*). Nā eousq; excoqui aurum posse, vt caractæ vnius quadrans tantum relinquatur materiæ alienæ, id est pars totius massæ nonagesima sexta, metallarij agnoscunt, eamq; puritatis gradum EDVARDICOS NOBILES adeptos esse. In argēto autem volunt, necessario relinquere quadragesimam octauā partem materiæ alienæ: verum exquisitissimi monetales affirmant aurū ad vltimū etiam quadrantis caractæ quadrantē, id est decimā sextam caractæ partē defæcari & expurgari posse, ita vt solum trecentesima octuagesima quarta pars alieni metalli derelicta sit. Argentum autē decoqui posse, vt nihil præter merum argentum supersit, licet non sine aliqua eius iactura illud fiat. Scribit autē BODINVS ex Aurificū (vt inquit) *Pariferum* experimētis, in aureis nummis VESPASIANI factis, solam septingentesimam sexagesimam nonam partem defuisse summæ eorū bonitati. Quod si verū trigesima secunda tantū pars vnius caractæ materiæ alienæ supersuit; verum vtrumq; fuerit summa aureorum *Daricorum* puritas. In Græcis tamen Aureis

Vide Agricol.
l. 2. de Ponderib.
& Temperatura
Monetarum.

Plin. lib. 33. c. 4.

Herodot. lib. 4. in
Melpomene.
* Vide Agricol.
loc. allegato.

Aureis PHILIPPI, ALEXANDRI, DEMETRII, &c. ut etiam in externis *Prusie & Mithridatis*, admixta fere fuit quinquagesima Argenti portio. In Romanis autem quos signarunt Consules & Imperatores ad VESPASIANVM vsque, quadragesima & octaua fuit argenti portio. Quam temperaturam aurei *Turcici, Hungarici*, veteres *Hispani*, & fere *Ducati Veneti* hodie seruant. *Ducati* autem *Romani, Bononienses, Lucenses, Mediolanenses*, mixtionem habent tricesimæ secundæ partis argenti. *Coronati Francici & Burgundici* decimam sextam recipiunt. *Coronati Italici* fere partem nonam: qui autem optimi, saltem duodecimam. Aurei *Rhenani* partem quartam, (qui ea causa albescunt) ut electri potius quam auri nomen mereantur, cum electrum sit authore PLINIO, etiam cum quinta pars argenti auro sit admixta. Verum omnium maxime argentosi, sunt *Philippici Brabantini, & Wilhelmi Hollandici*, in quorum mixtura sunt 15. auri, 9. argenti portiones.

Argentei autem nummi *Aryandici*, (*Aryandes* sub *Cambyse Persarum Rege Aegypti* præfectus fuit) omnium erant purissimi, omni plumbo ut HERODOTVS author est, quoad fieri potuit excocto: * Potest autem sine argenti iactura, ut drachma plumbi in besse argenti (quam *Marcam* vocant) id est, in 8. argenti vncijs resideat. Pars ea est sexagesima quarta. Græcorum argenteis nummis fere inest quinquagesima pars alieni metalli, Idem

H 3 in

Plin. l. 33. c. 3.

In Asiaticis. In Romanis vsq; ad VESPASIANVM quadragesima octava : Post VESPASIANVM interdum vigesima quarta, Nisi quod solus LIVIVS DRVSVS, etiam tempore Consul, ante *Cæsares*, notatur in Tribunatu suo, octavam æris partem admiscuisse.

Plin. l. 33. c. 9.

Æreis demum nummis ferrum miscuisse notatur solus Triumvir ANTONIVS, vt etiam argenteis, sed qua mensura incertum: Imensus Helluo, cum plus auri & argenti, ex vna Asia vno anno corraferat, quam ex toto Imperio Romano longis spatijs TIBERIVS, plusq; inter cœnas & luxurias dissipaverat, quam NERO aut CALIGVLA, aut quisvis alius dissolutissimus ærarij Romani exhaustor & expilator, ne æs quidem sine ferro hominibus purum, ferreus & impurus nebulo relinquere potuit.

Aristo. Oeconom. 2.

Cæsar. l. 5. Bell. Gall.

Poll. l. 9. cap. de Talent.

Plutarch. in Lycurgo. & in Lyfandro.

Aristid. in Platona. 2. pro Quatuor viris.

Pollux. l. 9. Onomastic.

Cap. allegat. * Plato. in Eryxia.

Ferreis tamen nummis vsus fuisse olim gentes aliquas certum est. Nam & ferrei nummi ARISTOTELES meminit in *Oeconomicis*, & *Briannos Cæsar*, *Byzantios Pollux*, & *Aristides Lacedæmonios*, ille & *Xenophon*, & *Plutarchus*, (quibus alij non permittebantur ex *Lycurgi* legibus) nummos ferreos in vsu habuisse prodiderunt. Verum & stanneos nummos fuisse aliquando sub DIONISIJ tyrannide *Syracusanis*, POLLUX etiam retulit: quin deniq; neque corium exclusum fuisse ab hac dignitate intel ligimus ex PLATONE, qui *Carthaginenses*, adhibuisse in cōmercijs nummos ex corio; magnitudine stateris, * alicubi meminit. CAP.

CAP. XXIII.

De Pretio & pondere æris & aliorum
Metallorum.

Erunt cum in Nummis etiam æris ratio habita sit, adjiciam pauca de eius & aliorum etiam metallorum pretijs. Pretium quidem æris ab initio Romanæ Reip. idque diu, ad primum Bellum *Punicum*, respectu argenti fuit fere 840. pro 1. cum scilicet vetus denarius Romanus 10. æris Libras pretio valeret. Postea vero crevit eius æstimatio, ut reducto ad 2. uncias Assæ, vni argenti libræ 140. cum ad unciam vnam, 70. cum ad semunciam 35. fere responderent libræ æris, in nummis scilicet signatis: cum vero denarius ad drachmam esset contractus, etiam 32. Rudis vero æris, pretium sub *ARCADII* & *HONORII* Imperio (ut alias fuit antiquitus ignoro) tale fuit, ut 100. æris pro 1. argenti taxarentur. De reliquorum metallorum pretijs *AGRICOLA* videatur.

Dixi aliquid de æris pretio, dicam etiam pauca de eius & aliorum metallorum ponderibus, quod videam scriptores in ijs statuendis, non nihil hallucinari. Inter metalla autem gravissimum omnium aurum est, cui plumbum bene repurgatum fere cedit parte octava: fallitur enim * *PLINIVS* qui plumbum auro

Lib. 1. cap. de
Argent. pret.

Agricol. lib. de
pret. Metallorum.

* *Plin. l. 33. c. 3*

*Ex experientijs.
Nic. Tartalce, in
Appendice ad
lib. Iordanii de
Ponderositate,
& Francisc.
Fuxei Parisiens.*

** Ar. Montan.
Vol. 3. de Men-
sur. cap. de Sicli
part. b. & cap.
de Chichar.*

auro præponderare scriptum reliquit. Plumbum autem rudius eiusdem fere ponderis cum argento est : at bene excoctum & repurgatum, tertia fere parte sui ponderis ipsum luperat. Argentum tamen æri, parte fere tertia & dimidia præponderat. Aes autem ferro, parte fere sexta gravius est, ferrum denique stanno, parte decima septima fere : vt stannum sit metallorum omnium levissimum, sicut aurum gravissimum. Et vt aliquid observem de lapidibus: Adamas dimidium fere plumbi, marmor dimidium ferri ponderat. Ita aurum proportionem ponderis habet ad argentum, non vt * aliqui temere pronunciarunt duplam, aut triplam, sed sesquialteram & sesquiquintam ; scilicet vt 17. ad 10. Aurum ad plumbum, sesquioctavam fere. Aurum ad æs, duplam & sesquioctavam.

Aurum ad ferrum, & stannum,
duplam & plusquam sesquialteram.

* *
*

FINIS.
